

類聚名賢樂府羣玉五卷不著編者姓名皮紙藍絲闌

明時精寫本四明范氏天一閣藏書也

見天一閣書目卷四之四天一閣現存書目卷四均詞曲類

其中遇皇家等字均空格則爲影寫元本無疑此書除

范氏書目外惟錢大昕補元史藝文志一載其名又明李開先

所輯張小山小令後跋稱所採輯書共六種樂府羣玉即居

其一愛日精廬藏書志汲古閣影元本張小山樂府後載

毛斧季跋語亦謂李開先求張小山全詞不得乃就選詞八

書中輯成二卷下注八書之名亦有此書其餘各家書目皆

未著錄雖素稱詞山曲海如也是園其目中亦缺此種錢氏

雖載入補志然不著卷數疑竹汀未見原書僅就中麓

或斧季跋中所述錄其名耳篇中所列自劉時中以下共

二十一家元人劇曲存世絕少

元曲選等皆經明人增潤非原文也

雜劇僅見士

禮居所藏之元刊三十種曲而套數小令則尤少除張小山

喬夢符二家及陽春白雪等一二種外殆無他書此編其

近武進董新氏  
刊太平樂府  
尚中藏

其星鳳矣歲甲寅天一閣藏書散出適予歸自搏桑各書多得寓目珍秘極夥力不能致惟此書萬不肯捨因典質出重資購之平生喜蓄詞曲而佳本刻罕覯今得此孤本足以豪矣乙卯初秋付裝裝成漫題其端上虞羅振常

羅振常氏

頃就中麓所編張喬二家小令以此本校則張多出十一首

喬多出十二首中麓本就此書採輯既欲得全詞宜不厭其

多何此若干首轉不收入頗疑李之所見尚非足本則此書

在明代固已罕覯矣越三日振常又記



### 卷中作家畧考

劉時中

陽春白雪中亦有時中樂府題名作古洪劉時中

任則明

趙文寶

名善慶又作孟慶字文賢饒州樂平人所作劇曲七本見錄鬼簿及太和正音譜

曹明善

喬夢符

名古太原人號笙鶴翁又號惺道人美容儀能詞章以威嚴自飭人敬畏之居杭州太乙宮前有題西湖格

明人調言長語  
中亦盛稱時中  
樂府

兒百篇名公爲之序游江湖四十年欲刊所作竟無成事者所著雜劇十二本見錄鬼簿至正五年二月卒于家

李致遠

所作有都孔目風雨還字木本元曲選中載之

王日華

名暉錢唐人本書題名下注南齋二字疑其號也所作雜劇三本見錄鬼簿日華嘗輯歷代名優自優孟迄金人

玳瑁頭凡若干人爲作傳見楊鐵崖文集

陳德和

徐甜齋

錢子雲

馬致遠

號東籬大都人江浙行省務院所作雜劇十四本見錄鬼簿及太和正音譜陽春白雪中亦有其樂府士禮居藏曲中

有太華山陳搏高卧一種即東籬作

周仲彬

名文質建德人後居杭州就路吏所作雜劇四種見太和正音譜

張子堅

鄭德輝

名光祖平陽襄陵人以儒補杭州路吏所作雜劇十九本見太和正音譜等元曲選中錄其三本土禮居藏曲中

之周公輔成王周公攝政即德輝作

鍾醜齋

名嗣成字繼先醜齋其號大梁人著錄鬼簿記當時劇曲諸名作其自作雜劇七本見錄鬼簿後跋

貫酸齋

名雲石陽春白雪中亦有其樂府前序即酸齋作

鍾繼仙

當即醜齋

王仲元

杭州人所作劇曲三本見錄鬼簿

吳克齋

名弘道字仁卿克齋其號也仕至府判有劇曲五本見錄鬼簿太和正音譜

邱士元

張小山

名可久字伯遠號小山慶元人以路吏轉首領李中麓謂即民務官如後之課稅局大使也有小令二卷明李開先輯

陽春白雪中亦有其樂府

高敬臣

以上共二十一家

希世之寶

類聚名賢樂府羣玉卷之一

許厚基  
秘笈印

懷辛居士

博明鑑藏

劉時中樂府

水仙操并引

上海圖書館藏

荀齋

瞿安讀書記

若把西湖比西子淡粧濃抹摠相宜玉局翁  
詩也填詞者切其意演作世所傳唱水仙子  
四首仍以西施二字爲斷章盛行歌樓樂肆  
間每悔其不能佳也且意西湖西子有秦無  
人之感崧麓有樵者聞而是之即以春夏秋  
冬賦四章命之曰西湖四時漁歌其約首句  
韻以兒字時字爲之次西施二字爲句絕然

後一洗而空之邀同賦謹如約

陽春白雪  
朝作曉

呵作煞

睡起作夢覺

枝作芝

呵作煞的字  
無

雲擁扇作  
荷缺翠粟  
作桂呵作煞  
的字無

湖山堂下闌竿兒爛熳韶華三月時朝來風雨催春  
事把鶯花攔斷死映蘇隄紅綠參差淺絳雪絨桃萼  
嫩黃金搓柳絲風流呵鬪草的西施○蝦鬚簾捲水  
亭兒玉枕桃笙睡起時荷香勾引薰風至掬清連雪  
藕絲嫩涼生壁月瓊枝鸞刀切銀絲膾蟻香浮碧玉  
卮受用呵避暑的西施○西風逗入耍窓兒一扇新  
涼暑退時白蘋紅蓼多情思寫秋光無限詩占平湖  
樹抹胭脂雲擁扇青搖柄粟飄香金綴枝快活呵翫  
月的西施○梅花初試膽瓶兒正是逋郎得句時同

呵作煞的字無

雲把斷山中寺軟香塵不到此怯清寒林下風姿侵  
素體添肌粟妬雲鬟老鬢絲清絕呵賞雪的西施

寓意武昌元貞四首 首支陽春白雪註阿魯威作

不作只

楚天空濶楚山長一度懷人一斷腸此心不在肩輿

沂作倩替人愁  
句作助離愁烟  
水茫、帶作上

上沂東風過武昌替人愁煙景微茫竹帶雨湘妃淚

樹間禽蜀帝王無限思量○人言不向武昌居我欲

年來食賤魚那堪鸚鵡洲邊住錦鴛鴦爲伴侶是烟

波江上漁夫得一舸鴟夷去載苧蘿山下女便改姓

陶朱○武昌官柳正青、只與行人管送迎等閑攀

折渾無定舞東風過此生奈柔條繫絆人情愛眉黛

【

—

烟中翠憶纖腰掌上輕恨滿郵亭○貞元舊曲日停  
歌只恐青衫淚更多等閑又見菱花破玲瓏奈尔何  
較些兒病了維摩愁暗逐西飛翼恨長隨東逝波着  
甚消磨

爲平章南谷公壽福樓賦

朱簾畫棟倚穹蒼帶砥礪河山接四王那堪輩、爲丞  
相是 皇家真棟梁看靈樁丹桂齊芳壽域年七固  
福源日、長永坐都堂○樓名壽福壓錢塘中有高  
居異姓王朝、北闕頻瞻望啓丹誠一瓣香對西山  
遙祝吾皇願基業隆三代更烟塵淨四方壽福無疆

○朱樓迢遞接長空家世于今誰比隆陰功雖是前  
 王種嗣聲華正在公更門闌喜色重、男已兆承家  
 鳳女欣逢擇壻龍壽福無窮

折桂令

農

想田家作苦區、有斗酒豚蹄暢飲歌呼瓦鉢甌  
 村簫社鼓落得粧愚吾將種牽衣自舞婦秦人擊缶  
 相娛兒女供廚僕妾扶與無是無非不樂何如

漁

鰕魚肥流水桃花山雨溪風漠、平沙蒹笠蓑衣葦

【

—

床茶竈小作音佐生涯樵青採芳洲蓼牙漁童新別  
 浦蒹葭小、漁舡泛宅浮家一舸鷓夷萬頃煙霞

樵

正山寒黃獨無苗聽斤斧丁、音爭空谷瀟、有澗  
 底荆薪淮南叢桂吾意堪樵赤脚婢香粳旋搗長鬚  
 奴野菜時挑雲暗山腰水汨溪橋日暮歸來酒滿山

瓢

牧

被野猿山鳥相留藥解延年草解忘憂土木形骸烟  
 霞活計麋鹿友游悶來訪箕山許由閑時尋崧頂丹丹

丘莫、休、蕩、悠、孛子攜妻充隱南州

疎齊同賦木犀

似娟、日暮娥皇翠袖天寒靜倚脩篁悵望夫君低  
回掩抑淡盡啼粧貼體衫兒淡黃掩曾訶子金裝高  
潔幽芳一片秋光滿地清香

同文字方飲南城即事

鎖煙霞曲徑縈回夢不到人間舞榭歌臺鉛鼎丹砂  
玄霜玉杵鍾乳金釵記畫燭清樽夜來映梨花淡月  
閑齋翠壁丹崖流水桃源古木天台

送王叔能赴湘南廉使

正黃塵赤日長途便雷奮 天池教雨隨車把

世外炎氛人間熱惱一洗無餘展洙泗千年畫圖納  
瀟湘一道冰壺報政何如風動三湘霜滿重湖○喜  
瀟湘一派澄清覺松柏堅貞蘭蕙芳馨里田歌謠官  
曹整暇牒訴輕平快埜寺尋春酒醒喜郵亭問俗詩  
成傳語湘靈又只恐東風吹上瑤京

閑居自適

餉春晴小、藍輿聊喚茅柴試買溪魚村北村南山  
花山鳥儘意相娛與農父忘形尔汝醉歸來不記誰  
扶早賦歸歟却恨紅塵不到吾廬

## 張肖齋揔管席間

小亭軒客散留髧添酒回燈草、盤殮問甚花落花  
 開春來春去覆雨翻雲莫孤負田家瓦盆且留連茅  
 舍窪尊選甚清渾論甚朝昏撇掉會閑裏光陰醉裏

撇掉應四字句  
有誤

乾坤

## 再過村肆酒家

妥雙丫十八鬟兒春日當爐嫋、腰肢<sub>肢</sub>徒倚心招依  
 佈眉語記得前時探錦囊都無酒貲恨郵亭不售新  
 詩可惜胭脂轉首空枝千里關山一段相思

朝天子

## 邸萬戶席上

柳營月明聽傳過將軍令高樓鼓角戒嚴更卧護得  
 邊聲靜橫槊吟情投壺歌興有前人舊典刑戰爭慣  
 經草木也知名姓○虎韜豹韜一覽胸中了時、拂  
 拭舊弓刀却恨封侯早夜月鏡歌春風牙纛看團花  
 錦戰袍鬢毛未凋誰便道馮唐老

## 同文子方鄧永年泛洞庭湖宿鳳凰臺下

月明浪平看遠岸秋沙淨輕舟漾、水澄、天水明  
 如鏡范蠡歸舟張騫遊興在漁歌三四聲耳清體輕  
 漫不省乾坤剩○舞者唱者滿酌金荷葉珠圍翠繞

儘豪華銀燭殘夜玉筋冰絲金盤涼蔗把平生幽憤  
寫笑些俏些賽一道鴛鴦社○有錢有權把斷風流  
選朝來街子幾人傳書記還平善免走如梭烏飛如  
箭早秋霜兩鬢邊暮年可憐乞食在歌姬院○耍些  
笑些休放瓊花謝春風無與比奇絕照眼明香雪琪  
樹瑤林寒光相射爭教人容易捨醉也去也更得、  
捱今夜○餞別去也淚滴滿金蕉葉西風錦樹老了  
蝴蝶滿眼黃花謝今日離筵明朝客舍把驪駒莫放  
徹醉者飽者免孤負重陽節○粉光雪香是水月觀  
音像三生夢繞錦鴛鴦一味風流况坐上閑情樽前

【

—

清唱是司空也斷腸月涼夜長心事滿流酥帳○近  
來越駭能捻幫窮 恠從人啾噪放狂乖不似今番  
煞海樣情緣天來歡愛罄山貲不當災好懷放開大  
打算風魔債○願天可憐乞個身長健花開似錦酒  
如川日、西湖宴楊柳宮眉桃花人面是平生未了  
緣過船醉眠還不迭風流願○畫船綺筵紅翠鄉中  
宴荷花人面兩嬋娟花不如人面錦繡千堆繁華一  
片是西湖六月天扣舷采蓮怕甚麼鴛鴦見○瘦瓢  
帶糟將瓮裏浮蛆啣盃、雙頰絳雲潮春色添多少  
稚子牽衣山妻迎笑急投床脚健倒醉了睡好醉鄉



大人間小

山坡羊

與邸明谷孤山遊飲

詩狂悲壯杯深豪放恍然醉眼千峰上意悠揚氣軒  
昂天風鶴背三千丈浮生太都空自忙功也是謊名  
也是謊

燕城述懷

雲山有意軒裳無計被西風吹斷功名淚去來兮便  
休提青山儘解招人醉得失到頭皆物理得他命裏  
失咱命裏

西湖醉歌次郭振卿韻

朝、瓊樹家、朱戶驕嘶過沽酒樓前路貴何如賤  
何如六橋都是經行處花落水流深院宇閑天定許  
忙人自取

懷長沙次郭振卿韻

西樓高處東城佳處夢魂長繞湘南路錦鱗無塞鴻  
疎多都來只爲虛名悞老未得閑心更苦杯誰共舉  
花誰共主

懷武昌次郭振卿韻

煙波漁父扁舟歸去移家鸚鵡洲邊任任狂疎恣癡

似應作侶

愚到頭也有安排處青籜綠衰爲伴似閑也自取忙  
也自取

侍牧菴先生西湖夜飲

微風不定幽香成徑紅雲十里波千頃綺羅馨管絃  
清蘭舟直入空明 琤天夜涼秋月冷天湖外影湖  
天上景

小桃紅

辛尚書座上贈合彈琵琶何氏

纖、香玉插重蓮猶似羞人見斜抱琵琶半遮面立  
當筵分明微露黃金釧鶻雞四絃驪珠一串個、一

般圓

武昌歌姬媿氏春卿色藝爲一時之冠友

人文子方爲刑曹郎因公至武昌安子舉  
助教會間見之念、莫置代作此以贈之

春來苦欲伴春居日、尋春去無奈春雲不爲雨爲  
春癰綠窓誰唱留春住買春不許問春無語春意定  
何如○爲春憔悴要春醫苦、貪春睡盼得春來共  
春醉恨春遲夜來得個春消息春心暗喜春情偷寄  
春事只春知○幾年塵土被官囚此日方參透待別  
幹星娘小除授緊營求天還肯許便欣然地就溫柔

別幹有誤

鄉里甲頭無何鄉里主首便權一日也風流

紅綉鞋

鞋杯

幫兒瘦弓弓地嬌小底兒尖恰、地妖嬈便有些汗  
浸平兒酒蒸做異香飄激灑得些口兒潤淋瀝得拽  
根兒漕更怕那口噙嚙的展涎了

末二句有誤

吳人以美女爲娃北俗小兒不論男女皆

以娃呼之有名娃、者戲贈

親不親心肝兒上摘下惜不惜氣命兒似看他打健  
健及擎手<sup>著</sup>心兒裏誇閑則劇懷抱<sup>音捕</sup>兒裏引嬌

可喜被窩兒裏爬子是將個磨合羅兒迤逗著耍

歌姬米氏小字耍、

舉眉動眼般、兒通透安手下脚色、兒風流出胎  
胞蓐草上早會藏鬪卧在被單學打令坐著豆枕演  
提劓刁天撮地所事兒有

勸收心

不指望成家立計則尋思賣笑求食早巴得個前程  
你宜你雖然没花下子也須是脚頭妻立下箇婦名  
兒少甚的

金字經

## 常氏稱心

少年情緣淺老來歡愛深費盡長門買賦金酒滿斟  
醉來花下吟纏頭錦得常稱心

## 醉扶歸

## 賦粉團兒

色暎金莖露香膩玉盤酥一段清水出玉壺不管胭脂  
妬曉鏡青鸞影孤正要何郎傳傳

## 醉中天

花木相思樹禽鳥折枝圖水底雙々比目魚岸上鴛  
鴦戶一步々金廂翠鋪世間好處休沒尋思典賣了

【

—

西湖宋諺有典賣西湖之語臺諫謂之賣了西湖既  
賣則不可復省院謂之典了西湖典猶可贖也無官  
守言責則無往不可此古人所以輕視軒冕者歟

## 任則明樂府

## 寨兒令

## 湖上

錦製屏鏡涵冰濃脂淡粉如故情酒量長鯨歌韻籬  
鶯醉眼看丹青養花天雲淡風輕勝桃源水秀山明  
賦詩題下竺攜友過西泠撐船向柳邊行

## 書所見

眉黛淺鬢雲偏羞顏落色誰愛怜種玉無緣擲果徒  
 然回首嘆芳年碧波深不寄魚菱翠衾寒猶帶龍涎  
 飛花殘雨後新月小窓前天斗帳恨孤眠

折桂令

題情

盼春來又見春歸彈指光陰回首芳菲楊柳陰濃章  
 臺路遠漢水烟迷綵筆誰行畫眉錦書不寄烏衣寂  
 寞羅幃愁上心頭人在天涯

湖上

望西湖綠水如雲一葉扁舟幾個佳賓指點銀屏留  
 連綺席旋買金鱗不三杯桃花笑人不多時柳絮成  
 塵休負良辰抹袖凌風玉手揆纂○

末句有誤

和江頭友人韻

想城南景物宜看雪後園林江上雲山步、幃屏家  
 家酒債處、詩壇任濁富一時眩眼且清狂每日開  
 顏何必愁煩畫虎無成倦鳥知還

同友人聯句

對池邊幾樹梅花映古木槎牙疎竹交加既有當壚  
 母勞倒屣便可投轄愛浮蟻香能駐馬薦肥羔味勝  
 庖蛙低按紅牙高岸烏紗識字漁夫好客庄家

## 吳山秀

錢塘江山嵯峨濃淡皆宜態度偏多淚雨溟濛歌雲  
縹緲舞雪婆婆娑勝楚岫高堆翠螺似張郎巧畫青蛾  
消得吟哦欲比西施來問東坡

## 錢尹希善之寧國尹

楚天長山色青、昨日錢塘明日宣城子工言辭子  
瞻才思子賤廉明春水生琴書短艇暖風輕花柳長  
亭無限吟情千里思君午夜挑燈

## 水仙子

## 書所見

閑開翠牖近滄洲忽見蛾眉出舵樓來倍燕席翻紅  
袖舞春風宜佐酒匆、催去難留解湘水烟中佩駕  
淩陽江上舟瘦損風流

## 泛舟

牙檣錦纜過沙汀皓齒青娥捧玉觥銀塘綠水磨銅  
鏡舡如天上行人傳李郭仙名水晶寒瓜初破藕花  
酒易醒無限詩情

## 友人席上

絳羅爲帳護寒輕銀甲彈箏帶醉聽玉奴捧硯催詩  
贈寫青樓一片情儘疎狂席上風生紅錦纏頭罷金

藕花下疑奪  
一字

釵剪燭明有酒如澗

幽居

小堂不閉野雲封  
隔岸時聞澗水春<sup>春</sup>比隣分得山田  
種宦情薄歸興濃  
想從前錯怨天公  
食祿黃齏瓮忘  
憂淥酒鍾未必全窮

滿庭芳

寄友

香籠錦幃歌謳白苧人  
比紅梅風流杜牧新詩意字  
字珠機桑落酒朝開綺席  
杜陵花夜宿春衣陶然醉  
金勒馬嘶歸路柳邊迷

【

—

春暮

雲扃睡起香銷寶鼎煖  
試羅衣甫能宴罷蘭亭會又  
見春歸花片、番成燕泥柳依、也鎖蛾眉重門閉  
綠陰樹底怕聽杜鵑啼

普天樂

吳門客中

九秋天三吳地江空寒  
早天遠書遲黃菊開丹楓墜  
流水行雲無拘繫  
好光陰枉自駢馳塵心自洗清風  
綠綺明月金杯

湖上

浣花溪方壺地呼猿領鶴問柳尋梅行廚白玉盤進  
酒青樓妓驚起沙頭鴛鴦睡棹紅雲乘興而迴冰壺  
影里笙歌遠近臺榭高低

花園改道院

錦江濱紅塵外王孫去後仙子歸來寒梅不改香舞  
榭今何在富貴浮雲流光快得清閑便是蓬萊門迎  
野客茶香石鼎鶴守茅齋

暮春即事

被詩魔將花探春深渭北綠滿江南殘紅魚浪香接  
葉鶯巢暗古往今來無心勤習家池日、春酣人生

【

—

易感青銅似月白髮盈簪

小梁州

湖上分韻得玉字

波涵玉鏡浸晴暉鳴玉舡移玉簫吹過畫橋西玉泉  
內玉樹錦雲樓迷玉樓簾幙香風細玉欄千楊柳依  
依飛玉觴留玉佩人沉醉花外玉驄嘶

閑居

結廬移石動雲根不受紅塵落花流水遠柴門桃源  
近猶有避秦人草堂時共漁樵論笑兒曹富貴浮雲  
椰子瓢松花醞山中風韻樂道豈憂貧

此二支合么篇也  
玉樹錦雲迷疑  
衍一樓字



## 春懷

落花無數滿汀洲  
轉眼春休綠陰枝上杜鵑愁  
空迤逗白了少年頭  
朝寒食笙歌奏百年間有限風流  
玳瑁筵蒲萄酒殷勤紅袖莫惜捧金甌

## 上小樓

## 題情

團圓未成嬋娟空病  
桂子虛庭翠羽圍屏  
鴈足寒藥  
巴到明空自省青樓薄悻  
恨分開鳳釵鸞鏡

## 隱居

荆棘滿途蓬萊閑住  
諸葛茅廬陶令松菊  
張翰蓴鱸

【

—

不順俗不妄圖清高風度任年々  
落花飛絮

## 沉醉東風

## 隱居

歎朝暮青霄用捨儘頭顱  
白髮添些伴漁樵  
苦芋舍醉西風滿川紅葉  
近日隣家酒易賒  
三徑黃花放也

## 尋春值雨

杜陵路烟迷霧昏  
定昆池花落雲根  
粉翅寒金衣潤  
等閑孤負尋春柳  
下重門那個人  
怕容易紅消翠損

## 宮詞

鵝鵲層樓夜永芙蓉小  
苑秋晴金掌涼  
銀漢瑩按霓

裳何處新聲懶下瑤階獨自行怕羞見團、桂影

宮詞

翡翠屏間篆烟櫻桃花底冰絃上苑春長門怨對黃  
昏默、無言十二瓊樓弟幾仙綵雲下先留鳳輦

紅綉鞋

湖上

新亭館相迎相送古雲山宜淡宜濃畫舫歸去有漁  
蓬隨人松嶺月醒酒柳橋風索新詩紅袖擁

春情

暗朱箔雨寒風峭試羅衣玉減香銷落花時節怨良

【

—

宵銀臺燈影淡綉枕淚痕交團員春夢少

重到吳門

槐市歌闌酒散楓橋雨霽秋殘舊題猶在畫樓間泛  
湖賒看月尋寺強登山比陶朱心更懶

又

芳草岸能言鴨睡荻花洲供饌鱸肥天平山翠近金  
杯水多寒氣早野闊暮空底隔秋雲漁唱起

和友人韻

茅屋秋風吹破桂葦<sub>蓑</sub>夜月空過淮南招隱故情多無  
心登虎帳有夢到漁蓑不歸來等甚麼

## 朝天子

## 村居

杜門守貧知有歸田分春風漸入小窪尊勤飲姜芽  
嫩鄉黨朱陳謳歌堯舜向東臯植杖耘子孫更淳閑  
把詩書訓

## 信筆

九霄早朝曾赴金門詔珠玉在揮毫育次誰同調談  
笑枚臯風流溫嶠恣疎狂直到老儘交醉了走馬長  
安道

## 道院

翠峯錦宮香靄丹霞洞來尋采藥鹿皮翁煮茗爲清  
供靜聽松風閑吟橘頌碧天涼月正中九重賜寵一  
覺黃梁夢

## 題情

吳當作誤

渭城雨晴柳不繫黃金鞦梨花小院又清明吳了尋  
芳興香減吳綾塵蒙秦鏡碧紗窓和悶扃柴荆曉鶯  
巧語無心聽

## 慶東原

拿當作衾  
此曲僅缺二字首  
句宜提行  
腮下疑是金屋  
二字

香衾剩春夢窄仙山消息遙天外愁欺酒懷  
羞臨鏡臺淚濕香腮 燕歸來玉佩人何在

## 題武陵友人別業城南即事

亭傍竹句格應  
四字此缺一字

尋幽處讀古書似韓苻昔日城南住亭傍竹藩籬帶  
菊池沼栽魚非是輞川圖堪作郊居賦

## 金字經

## 湖上僧寺

竹雨侵窓潤松風吹面寒雲母屏開非世間

難凭闌看夕陽山外山

## 重到湖上

碧水寺邊寺綠陽樓

山雲去留鷗飄々

隨釣舟今非舊對花一醉休

【

—

## 秋宵

## 書所見

勝槩三吳地美人一夢雲花落黃昏空閉門因青鸞  
寶鑑分天涯近思君不見君

## 清江引

## 積雨

春來那曾晴半日人散芳菲地苔生翡翠衣花滴胭  
脂淚偏嫌錦鳩枝上啼

## 題情

桃源水流清似玉長恨因緣悞閑謳窈窕歌揔是相思句怕隨風化作春夜雨

又

南山荳苗荒數畝拂袖先歸去高官鼎內魚小吏置中兔爭似閉門閑看書

## 和靖墓

林逋老仙清避俗獨向孤山住梅花兩句詩芳草千年墓不強如長卿封禪書

## 錢塘懷古

吳山越山山水撿是淒涼意江流今古愁山雨興亡淚沙鷗笑人閑未得

## 湖上九日

芙蓉岸邊移畫舫沉醉黃花宴山光濃似藍水色明如練漁童慣聽歌笑喧

## 曹明善北回

文章故人天上來相見同傾蓋兩京華柳情八景烟雲態偏宜品題七步才

## 小桃紅

山林鍾鼎未謀身不覺生秋鬢漢水秦關古今恨謾

勞神何須斗太黃金印漁樵近隣田園隨分甘作武陵人

又

東隣西舍酒頻沽拄杖穿花去長笑功名草頭露且狂踈醉如劉阮猶遲墓雞翁問余鹿門深處真作野人居

墓應作暮

宴席

桃花扇底楚天秋恰、鶯聲溜絡臂珍珠翠羅袖捧金甌纖、十指春葱瘦移花傍酒張燈如畫重酌更風流

【

—

指甲

桃腮輕托玉纖微有限彈珠淚曾整金釵動春意數歸期等閑掐損欄干翠拈花露濕剖橙香膩宜捧紫霞杯

春情

深沉院落牡丹殘懶揭珠簾看青杏園林管絃散翠陰間數聲黃鳥傷春歎離懷未安相思不慣獨倚小欄干

沉醉東風

題情

羅怕寫桃根舊情玉簫吹楊柳新聲傳粉容偷香性  
對紅粧笑指銀瓶盡醉梅花不要醒怕孤負良辰媚  
景

信筆

有待江山信美無情歲月相催東里來西隣醉聽漁  
樵講些興廢依舊中原一布衣更休想麒麟畫里

題情

唾碧衫寬舞體麝烟煤淡歌眉遠信稀歸期未鬱金  
堂夜深空閉綉被寒多有夢知綺窓外銀蟾似水

會稽懷古

【

—

愛望海秦山古色探藏書禹穴重來鑑水邊雲門外  
有誰人布襪青鞋休問吳宮暗綠苔越國在殘陽翠  
靄

趙文寶樂府

落梅風

太乙宮探梅

冰花艷水月魂鬪詩壇醉翁筆陣自南枝漏泄了湖  
上春問東風幾番花信

江樓晚眺

楓枯葉柳瘦絲夕陽閑畫闌十二望晴空瑩然如片

紙一行鴈一行愁字

秋晴

秋聲定微雨歇透疎櫺紙窓風裂孤燈兒似知愁恨  
切照離人半明半滅

暮春

尋芳宴拾翠遊杏花寒禁烟時候叫春山杜鵑何太  
愁直啼得綠肥紅瘦

寨兒令

早春湖遊

景物新艷晨山昏氣張天成綠雲畫舫紅裙紫陌遊人

【

—

香軟馬啼塵掉漣漪水皺羅紋破韶華桃露朱唇湖  
風肥柳線堤雨厚莎茵春又早二三分

春情

愁冉、病懨、紅窓睡起不甚忺墨淡眉尖風冷牙  
籤象管怕重倦梳雲懶對粧奩怕愁春不捲珠簾落  
紅堆翠徑飛絮擁雕簷嫌樓外雨廉纖

泊潭州

憶舊遊嘆遲留情似漢江不斷頭暮靄西收楚水東  
流煙草替人愁驚分沙接岸滄洲魚驚餌曬網輕舟  
風閑沽酒旆月淡掛簾鈎秋盡在鴈邊樓

重下疑脫一粘  
字



## 美妓

舞態輕曲聲清生香玉骨粉搽成嬌眼珠星指甲春  
 水雲鬢剪鴉翎記沉香火裏調笙憶迓羅裙上彈箏  
 輕顰欺燕、淺笑妬鶯、掙那更性胡伶

## 水仙子

## 仲春湖上

雨痕着物潤如酥草色和烟近似無嵐光罩日濃如  
 霧正春風啼鷓鴣鬪嬌羞粉女瓊奴六橋錦綉十里  
 畫圖二月西湖

瓜舟當作瓜洲

## 渡瓜舟

【

—

渚蓮花脫錦衣收風蓼青雕紅穗秋堤柳綠減長條  
 瘦繫行人來去愁別離情今古悠、南徐城下西津  
 渡口北固山頭

## 客鄉秋夜

梧桐一葉弄秋晴砧杵千家搗月明關山萬里增歸  
 興隔嗟蛾白帝城捱長宵何處銷凝寒燈一檠孤鴈  
 數聲斷夢三更

蛾當作蛾

## 沉醉東風

## 秋日湘陰道中

山對面藍堆翠岫草齊腰綠染沙洲傲霜橘袖青濯

傳黃有誤

雨兼葭秀隔滄波隱、江樓點破瀟湘萬頃秋是幾  
葉兒傳黃敗柳

## 昭君出塞圖

羶帳冷柔情挽、黑河秋塞草班、丹青悞寫情環  
珮難歸漢抱琵琶怨殺和番比似丹青舊玉顏又越  
添愁眉淚眼

## 折桂令

## 西湖

問六橋何處堪誇十里晴湖二月韶華濃淡峰巒高  
低楊柳遠近桃花臨水臨山寺塔半村半郭人家盃

泛流霞板撒紅牙紫陌遊人畫舫嬌娃

## 湖山堂

八窓開水月交光詩酒壇臺鶯燕排場歌扇搖風梨  
雲飄雪粉代生香紅袖臺已更舊邦白頭民猶說新  
堂花妬幽芳人換宮粧惟有湖山不管興亡

## 普天樂

## 江頭秋行

稻糧肥蒹葭秀黃添籬落綠淡汀洲木葉空山容瘦  
沙鳥番風知潮候望烟江萬頃沉秋半竿落日高陽聲  
過鴈幾處危樓

高陽聲  
明氏珍  
藏圖書

秘笈厚基  
印

秋江憶別

懷辛  
居士

博明  
鑑藏

晚天長秋水滄山腰落日鴈背斜陽壁月詞朱唇唱  
尤猶記當年蘭舟上洒西風淚濕羅裳釵分鳳凰盃斟  
鸚鵡人拆鴛鴦

山坡羊

燕

來時春社歸時秋社年、來去搬寒熱語喃、忙劫  
劫春風堂上尋玉謝、巷陌烏衣夕照斜、與多見些亡  
都盡說

長安懷古

【

—

驪山橫岫渭河環秀山河百二還如舊狐兔悲苜木  
秋秦宮隋苑徒遺臭唐闕漢陵何處有山空自愁河  
空自流

慶東原

泊羅陽驛

砧聲住蛩韻切靜寥々門掩清秋夜秋心鳳闕秋愁  
鴈堞秋夢胡蝶十載故鄉心一夜郵亭月

晚春雜興

烟中寺柳外樓亂隨風雪絮飄晴晝遊人陌頭殘紅  
樹頭流水溪頭百六楚風酸酸三月吳姬瘦

## 憶王孫

## 尋梅

尋香曾到葛仙臺，踏雪今臨靖宅橫。  
斜數枝，僧寺側，動吟懷。  
一半銜春，一半開。

## 述憶

太平樓館醉金釵，老邁情懷悲倦客。  
吟筆未成，賈誼策鬢毛衰，一半蒼，一半白。

## 凭欄人

## 春日懷古

銅雀臺空鎖暮雲，金谷園荒成路塵。  
轉頭千載春，斷

贊疑是輩

## 腸幾贊人

## 小旂紅

## 佳人睡起

數聲啼鳥串花枝，院落無人至寶枕。  
輕推粉痕清印，臙脂雕欄，強倚無情思。  
鬢鬢鬢，綜追尋，心事正斷。

絲

## 腸時

## 梧葉兒

## 隱居

絕榮辱，無是非，忘世亦忘機。  
藏鴛渚，浮鴈溪，釣魚磯。  
穩當似麒麟畫裏。

## 四碗玉

雪湖和人韻

近水堤臨山寺竹外橫斜兩三枝樽前談詠無多事  
白戰詩白苧詞白玉卮

## 朝天子

送春

劍蒲翠蕪雨過添新綠藥欄春事已結局無計留春  
住堤上芳塵橋邊飛絮絮樹頭紅一片無布谷社宇猶  
鬪喚春歸去

元詞凡二支相

## 鴈兒落過德勝令

次者曰帶過  
或潛作一字

## 天竺寺

此過字即帶  
過之省非曲文  
也

旃檀古道場水月白衣相真珠般若林多寶如來藏  
過梵相四天王唐塑八金剛佛隱松間塔僧推雲外  
窓虛堂法鼓驚天上長廊遊人惹御香

## 曹明善樂府

## 折桂令

## 江頭即事

問城南春事何如細草如烟小雨如酥不駕巾車不  
拖竹杖不上籃輿着二日將息蹇驢索三杯分付奚  
奴竹裏行時花下提壺共友聯詩臨水觀魚

時當作廚

## 自述

淡生涯却不多爭賣藥修琴負笈擔簦雪嶺樵柯烟  
 村牧笛月渡漁罾究生死千忙煞老僧學飛昇空老  
 了先生我腹膨脹我貌猙獰我髮鬍髻除了雀杯百  
 拙無能

按此曲多四字  
 句一

## 西湖早春

小紅樓隔水人家草未鳴蛙柳已藏鴉試捲朱簾是  
 山間寺何處無花金絡腦堤邊駿馬錦纏頭舡上嬌  
 娃風景繁華不醉流霞前世生涯

## 登靈鷲寺

便休題鍾鼎山林遮莫榮枯揔是消沈落、魄、酒  
 逢知己琴遇知音時俯仰人間古今且消磨閑處光  
 陰無事當心今日從容此地登臨

## 沉醉東風

## 隱居

鷓夷革屈沈了伍胥江魚腹葬送了三閭數間諫時  
 獨醒處豈是遭誅被放招伏一舸秋風去五湖也筆  
 個名傳萬古

## 村居

新分下庭前竹栽旋籜得缸面茆柴斃彈雞和根菜

此曲有誤

此曲有誤

小杯盤曾慣留客活撥刺鮮魚米換來則除了茶都是買

又

茆舍寬如釣舟老夫閑似沙鷗江清白髮明霜早黃  
花瘦但開樽沉醉方休江糯吹香滿穗秋又打勾重  
陽釀酒

又

楓林晚家、步錦菊籬秋處、分金羞將寶劍看醉  
把瑤琴枕沒三杯着甚消任若論到機深禍亦深却  
不是淵明好飲

任當作沉

喜春來

和則明韻

騷壇坐遍詩魔退步障行看肉陣迷海棠開後燕飛  
迴喧暫息愛月夜眠遲

又

春雲巧似山翁帽古柳橫爲獨木橋風微塵軟落紅  
飄沙岸好草色上羅袍

又

春來南國花如綉雨過西湖水似油小瀛洲外小紅  
樓人病酒料自下簾鉤

## 小梁州

侍馬昂夫相公遊柯山

紫霞仙侶翠雲裘  
 文彩風流新詩題  
 滿鳳凰樓揮吟袖  
 來作爛柯遊  
 王樵不管梅花瘦  
 教白鶴舞着相留  
 聽我哥爲君壽  
 一杯春酒一曲小梁州

## 三棒鼓聲頻

題淵明醉歸圖

先生醉也童子扶着有詩便寫無酒重賒  
 山聲野調欲唱些俗事休說  
 ○問青天借得松間月  
 陪伴今夜長安此時春夢熱  
 多少豪傑明朝鏡中頭似雪  
 烏帽

難遮○星般大縣兒難棄  
 捨晚入廬山社比及眉未攢  
 腰曾折遲了也去官陶靖節

## 慶東原

江頭即事

低茆舍賣酒家客來旋把朱簾掛  
 長天落霞方池睡鴨老樹昏鴉  
 幾句杜陵詩一幅王維畫  
 ○猿休怪鶴莫猜探春偶到南城外  
 池魚就買園蔬旋摘村務新開  
 省下買花錢拚却還詩債  
 ○閑乘興過小亭没三杯着甚資  
 談柄詩題小景香銷古鼎曲換  
 新聲標到似劉伶受用如陶令



## 清江引

長門柳絲千萬結，風起花如雪。離別復離別，攀折更攀折。苦無多舊時枝葉也。○長門柳絲千萬縷，揔是傷心樹。行人折嫩條，燕子銜輕絮。都不由鳳城春做主。類聚名賢樂府羣玉卷之一

類聚名賢樂府羣玉卷之二

喬夢符號惺、道人

## 綠么遍

## 自述

不占龍頭選，不入名賢傳。時、酒聖處、詩禪烟霞

【

—

喬夢符小令切  
作抹

狀元江湖醉仙笑談，便是編修院留連。批風切月四十年。

## 昇平樂

## 悟世

肝腸百鍊爐間鐵，富貴三更枕上蝶。功名兩字酒中蛇。尖風薄雪殘盃冷，炙掩清燈竹籬茅舍。

## 太平吳氏樓會集

桃花扇底窺春笑，楊柳簾前按舞嬌。海棠夢裏醉魂消。香團嬌小，哥頭水調，斷腸也五陵年少。○香雲簾幕風流，燕花月樓臺富貴，仙新調駿馬紫藤鞭。能歌

檀小令作團

小妾輕羅檀扇醉歸來牧<sup>杜</sup>丹庭院

香茶

細研片腦梅花粉新剝真珠豆蔻仁依方修合鳳團

道小令及太平樂

春醉魂清爽舌尖香嫩這孩兒那道風韻

府皆作些

春閨怨

雪月風花收拾勾也用心用力這時節檐兒上一檐  
擔風月途路賒步、些、○不繫雕鞍門前柳玉容  
寂寞見花羞冷風兒吹雨黃昏後簾控鈎掩上毬樓  
風雨贊花愁○黑海春愁渾無處趨嫩香膩玉漸消  
磨瘦呵也不似今春個無奈何自畫雙蛾添得越愁

贊當作替

多○薄命兒心腸較軟道聲去也淚漣、這些時儂  
下春閨怨離恨天幾度前羞見月兒圓

折桂令

和小令作禾

上巳游嘉和南湖哥者爲豪奪扣舷自哥

鄰舟皆笑

驚據小令

三月三天霽吹晴見麟鳳滄洲鴛鴦沙汀華鼓清簫  
紅雲蘭棹青紵旗亭紉看來春風世情都分在流水  
哥聲劣燕嬌鶯冷笑詩仙擊楫揚舲

客窓清明

風、雨、梨花窄索簾櫳巧小窓紗甚情緒燈前客

陽小令作楊

懷枕畔心事天涯三千丈  
清愁鬢髮五十年春夢繁  
華驚見人家陽柳分烟扶上簷牙

拍小令作讌

雨窓寄劉夢鸞赴拍以侑尊云

目小令作今

妬韶華風雨瀟、管月犯南箕水漏天  
瓢濕金縷鶯裳紅膏燕嘴黃粉蜂腰  
梨花夢龍綃淚目春瘦了海棠  
鶯鷓鼓聲昨夜驚着極目江臯錦  
澁行雲香暗歸潮

贈張氏天香善填曲時在陽羨莫侯席上

月明一片緗雲揉做清芬吹下  
昆崙勝淺、蘭烟霏霏花霧淡、  
梅魂這氣味溫柔可人那風流  
旖旎生

春聲迹相聞多少餘芳散在乾坤

自述

酒聖不應空格  
麟祥鳳 酒聖詩禪不應舉江湖狀元不思凡風月  
神仙斷簡殘編翰墨雲烟香滿山川

張謙齋左轄席上索賦

卷鯨川吸盡春雲曲妙重哥酒冷還温裁甚烏妙儘  
他白髮醉個紅裙想獻玉遭刑費本算揮金買笑何  
村俯仰乾坤多少英雄不到麒麟

此題小令作寄  
遠且合下雨雲

春怨

期一支作二曲

末二句小令作本是結髮的歡娛倒做了徹骨兒相思

怎生來寬掩了裙兒玉削肌膚香褪腰肢飯不沾匙  
睡如番餅氣若游絲得受用呵遮末害死果實成呵  
有甚推辭干闌了若時多草本歡娛徹貨兒相思

越樓見姬梳洗已倚立嬌困若不勝情因

記

隔朱樓楊柳青、烟鎖窓紗風動簾旌愛鏡都嬋娟  
粉吹旖旎玉立娉婷翹鳳頭金釵整、朶松花雲髻  
亭、個樣心情困托香腮斜倚銀屏

登澄江君山有平原君墓并手植檜至絕

頂甚壯人氣宇

人據小令補

【

—

芙蓉城古意山川葬玉當時植檜何年江樹陰、江  
帆隱、江草芊、蘸海濱東南半天望金蕉西北雙  
拳巾袂蹁躑不索浮蓮挾取飛仙

紅梅徐然德可索賦類卷

從來不假鉛華試要學宮粧醉笑吳娃返老還童脫  
胎換骨飽養烟霞羅浮夢休猜做杏花萼綠仙曾服  
甚丹砂春在天涯紫蠟封香寄與詩家

詩小令作誰

寄遠

雨雲期一枕南柯破鑑分釵對酒當歌想驛路風烟  
馬頭星月鴈底關河往日個殷勤待我近新來憔悴

因它淡却雙蛾哭損秋波問台候如何敢忘了人呵

簾內佳人瞿子成索賦

絞綃不卷閑情翠織玲瓏玉立聘婷倚動銀鈎耍吹  
羅帶笑振金鈴迷楚雲花昏柳暝隔湘烟水秀山明  
樓外人行難休放春愁難掩風聲

難字衍

西湖憶舊黃氏所居

多時不到兒家想繩掛秋千弦斷琵琶眉淡蘭烟釵  
橫梭玉粉褪鉛華軟龍綃塵蒙寶鴨爛胭脂雨過金  
沙隔個窓紗夢斷東風門外啼鴉

賈侯席上贈李楚儀

【

—

洗粧明雪色芙蓉默、情懷楚、儀容甚烟雨江頭  
移根在桃李場中儘劣燕嬌鶯冗、笑落花飛絮濛  
濛湘水西東悵望寒衣玉立秋風

登姑蘇臺

百花洲上新臺簷吻雲平圖畫天開鵬俯滄溟蜃橫  
城市鰲駕蓬萊學捧心山顰翠色悵懸頭土濕腥苔  
悼古興懷休近闌千萬丈塵埃

會州判文從周自惟揚來到楚儀李氏意

文章杜牧風流照夜花燈載月蘭舟老我江湖少年  
談笑薄倖名留贈楊柳人初病酒采芙蓉客已驚秋

根下脫一何字  
據小令  
寒小令作褰

維

道

儀

醉夢悠、鴈到南樓寄點新愁

贈羅真、高敬臣胡善甫席上賦

據小令補

羅浮夢裏真仙雙鎖螺鬟九暈珠鈿晴柳纖柔春蕊  
藕細膩秋滿勻園酒盞兒裏央及出些靦腆畫幀兒上  
 喚下來的嬋娟試問尊前月落參橫今夕何年

富子明壽

梨花院羯鼓擗晴恰暮雨黃昏新火清明歌倚絳笙  
 香溫漢鼎酒暖吳橙賀綠鬢朱顏壽星是輕衫矮帽  
 書生趁取鵬程快意風雲唾手功名

丙子游越懷古

【

—

甚下脫一佳字

蓬萊老樹蒼雲禾黍高低狐兔紛紜半折殘碑空餘  
 故址揔是黃塵東晉亡也再難彙個右軍西施去也  
 絕不見甚人海氣長昏啼鴉聲乾天地無春

隔樓所見對望終日其媪若厭者遂下簾

以蔽之

織湘江一片波紋窳下閑愁隔斷詩魂非霧非烟影  
 娥池上香夢無痕拍畫欄纖舒玉笋啓紗窓推晒羅  
 裙飽看嬌春倩得南薰捲起梨雲

苕溪七夕飲會贈崔秀卿李揔管索賦

崔徽休羨丹青雨弱雲嬌水秀山明著點歌唇葱枝

據小令此題有  
 二曲補錄於此  
 黃四娘沽酒當  
 爐一片青旗一  
 曲驪珠滴露  
 和雲添花補柳  
 梳洗工夫無半  
 點閒愁去處  
 問三生醉夢何  
 如笑倩誰扶又  
 被春纖攪住吟  
 鬚

纖手好個卿、水洒不着春粧整、風吹得倒玉立  
 亭、淺醉微醒誰伴雲屏今夜新涼卧看雙星

秋日湖山偕白子瑞輩燕集賦以俾歌者

赴拍侑尊

秋聲一片蘆花正落日山川過雨人家羨歌舞風流  
 太平時世詩酒生涯待陽柳晴春風躍馬且挂華涼  
 夜月乘槎一曲吳娃笑煞江洲淚滿琵琶

感興

謝安江左優游夢覺東山聲動南州覆雨翻雲憐花  
 寵柳未肯回頭成時節衣冠冕旒敗時節筇杖徒流

問甚麼恩讎山塌虛名海濶春愁

秋思

紅梨葉染胭脂吹起霞綃絆住霜枝正萬里西風一  
 天暮雨兩地相思恨薄命佳人在此問雕鞍游子何  
 之厲未來之時流水無情莫寫新詩

秋日與高敬臣胡善甫輩飲湖樓即事

疎簾外暮雨西山喚起詩仙共倚闌干盃影涵秋歌  
 聲送晚鬢脚生寒添風韻春纖象枝減恩情羅扇龍  
 檀紅藕花殘茉莉雙鬟鬟油壁吹香催上歸鞍

勸求妓者

之字衍

穰小令作穰

溺盃兒刷煞終臊待立草爲標現世生苗時下收心  
眼前改志怎換皮毛厭穰死花枝般花小踢騰盡銅  
斗般窩巢日夜煎熬要拗斷琴弦別覓鸞膠

問春

東君去也如何風皺纖鱗烟抹羞蛾恨白眼相看青  
春不管黑髮無多香絮引魚吞綠波落花驚蝶夢南  
柯隨處行窩載酒吳舡擊筑秦歌

毗陵張師明席上謂歌伎周士宜者

贈氏

宜歌宜舞宜粧道是風流果不尋常粉靨堆春金盤  
捧露翠袖籠香此際相逢蒞浪個中誰是周郎愁近

清觴泥醉歸來燈影昏黃

詠紅蕉

紅蕉分種天涯換葉移根灌水壅沙嬌耐秋風清宜  
夜雨艷若春風翠岫捧銀臺絳蠟綠雲封玉竈丹霞  
富貴人家粧點湖山吃喜窓紗

仲明同知坦然齊集蘇老琵琶吳國良簫

歌者王玉蓮

坦然對客高軒爛醉梅邊占得春先簫阮鸞聲琵琶  
鳳尾寶鼎龍涎金錯落三分酒淺玉玲瓏一串珠圓  
誰似尊前談笑風流富貴神仙



## 荆溪即事

問荆溪、上人家爲甚人家不種梅花老樹支門荒  
 蒲繞岸苦竹圈笆廟不靈狐狸樣瓦官無事烏鼠當  
 衙白水黃沙倚遍欄千數盡啼鴉

廟不靈小令作  
 寺無僧

## 高敬臣病

賦高唐何事悲秋山在書屏雲在簾鈎儘汗漫羈情  
 炎涼世態萬象蜉蝣楊柳陰吳舡載酒藕花涼楚客  
 登樓賓主相留且對清江抖擻詩愁

## 水仙子

## 廉香林南園即事

山中富貴相公衙江左風流學士家壁間水墨名人  
 畫六乙泉陽羨茶書齋打簇得繁華玉龍筆架銅雀  
 硯瓦金鳳牋花

## 贈江雲

白蘋吹練洗閑愁粉絮成衣怯素秋高情不管青山  
 瘦伴潯陽一派流寄相思日暮東州有意能收放無  
 心儘去留梨花夢湘水悠、

## 贈柔卿王氏

暖紅無力海棠絲春綠多情楊柳枝紺雲不動宮鴉  
 翅肉臺盤纖玉指胭脂粉搭成的孩兒眼角頭傳芳

事尊前席上歌艷詞俵散相思

贈姑蘇朱阿嬌會玉真李氏樓

合歡髻子楚雲鬆鬪巧眉兒翠黛濃柔美指怯金盃  
重玉亭、鞋半弓聽驪珠一串玲瓏歌觸的心情動  
酒潮的臉暈紅笑堆着滿面春風

釘鞋兒

底兒攢釘紫丁香幫側微粘密蠟黃宜行雲行雨陽  
臺上步蒼苔磚甃兒響不凌波羅襪生涼驚回銜泥  
乳燕濺濕穿花鳳凰羞然戲水鴛鴦

花簫兒

【

—

玲瓏章插楚雲岑輕巧全勝碧玉簪紅錦水暖春香  
沁是惜花人一寸心淨瓶兒般手撚着沉吟滴點、  
薔薇露裊絲、楊柳金是個畫出來的觀音

傷春

鶯花笑我病三春香玉知他瘦幾分屏床獨自懷孤  
悶那些兒吃喜人界微紅斜印腮痕山枕淺啼露洞  
簫寒吹夢雲風雨黃昏

席上賦李楚儀歌以酒送惟楊賈侯席

鴛鴦一世不知愁何事年來白盡頭芙蓉水冷胭脂  
瘦占西塘曉鏡秋菱花漫贊人羞擎架着十分病包

啼下脫一晴露  
字

維

替

籠着百倍憂老死也風流

憶情

紅粘綠惹泥風流雨念雲思何日休玉憔悴今番  
瘦擔着天來大一檐愁說相思難撥回頭夜月雞兒  
巷春風燕子樓一日三秋

紅指甲贈孫蓮哥時客吳江

冰藍袖卷翠紋紗春筍纖舒紅玉甲水晶寒濃染胭  
脂蠟剖吳橙吃喜煞錦魚鱗冷清硃砂數歸期攔干  
上畫印開元宮額上掐托香腮似幾瓣桃花

贈常鳳哥

紫金釵影落芳樽白玉簫聲隔暮雲碧梧枝冷驚秋  
信倩緜仙暖夢魂喜相逢青鳥紅巾都不索瑤琴寫  
恨秦臺憶君粧鏡悲春

客樓即事石氏所居

石崇已去玉樓空玉愜重來金谷窮綠珠不作朝雲  
夢似陽臺十二峰隔愁痕龜背簾櫳花鈿小金毛褪  
柳腰纖羅帶瓊寂寞春風

璉小令作鬆

手帕呈賈伯堅

對裁湘水縠波紋揆皺梨花雪片雲束纖腰舞得春  
風困襯瓊盃蒙玉筍帶人嬌笑搵脂唇宮額上勻香

汗銀箏上拂暗塵休染上啼痕

楚儀贈香囊賦以報之

玉絲寒皴雪紗囊金剪裁成冰笋涼梅魂不許春搖  
蕩和清愁一處裝芳心偷付檀郎懷兒裏放枕袋裏  
藏夢繞龍香

嘲楚儀

順老兒撲撒翠鸞雛暖水兒溫存比目魚碎磚兒疊

就陽臺路暮雲行暮雨楚巫娥那取工夫殢酒人歸  
未停歌月上初今夜何如

嘲友人

豫章城錦片鳳鸞交臨川縣花枝翡翠巢泛茶船牌  
板鴉青鈔問婆、那件好紙糊揪一下撮着村馮魁  
拈得上俏蘇卿將去了雙漸眊、

習隱

拖条藜杖裹枚巾蓋座團標容個身五行不帶功名  
分卧芙蓉頂上雲濯清泉兩足游塵生不願黃金印  
死不離老瓦盆俯仰乾坤

夢覺

喚回春夢一雙蝶忙煞黃塵兩隻靴三十年幾度花  
開謝熬煎成頭上雪海漫、誰是龍蛇魯子敬能施

惠周公瑾會打鬪千古豪傑

歌者睥睨潦倒故賦此咎焉

綉屏春暖茜氍毹羅袖香翻錦鷓鴣銀盆笑擊珊瑚  
樹拚明珠換綠珠見書生如此頭顱昇仙橋曾題柱  
卓文君不駕車誰識相如

游越福王府

笙歌夢斷蕙蓼沙羅綺香餘野菜風亂雲老樹夕陽  
下燕休尋王謝家恨興亡怨煞些鳴蛙鋪錦池埋荒  
甃流盃亭堆破瓦何處也繁華

賦學仁仲懶慢齊

鬧排場經過樂回閑勤政堂辭別撒會懶急喉嚨倒  
換學些慢掇梯兒休上竿夢魂中識破邯鄲昨日強  
如今日這番險似那番君不見烏倦知還

吳江垂虹橋

飛來千丈至蜈蚣橫駕三天白蠓螭鑿開萬竅黃雲  
洞看星底落鏡中月華明秋影玲瓏負金環重俊  
貌石柱雄鐵鎖囚龍

若川秋夕聞砧

誰家練杵動秋庭那岸牕紗閃夜燈異鄉絲鬢明朝  
鏡又多添幾處星露華零梧葉無聲金谷園中夢玉

門關外情涼月三更

玉壺園題水亭贈國公十一公子

人來圖畫慎間行  
舡在琉璃影內撐  
歌從絃管聲中聽  
水邊鷗花外鶯  
翠玲瓏小院閑  
庭夜月泥金扇  
春風暖玉屏賞四時雨雪陰晴

嘲少年

紙糊鞦韆吉列枉折尖肉膘膠乾支刺有甚粘醋葫  
蘆嘴古邦佯粧欠接梢兒雖是諂抱麕腿只怕傷廉  
性兒神羊也似善口兒密鉢也是甜火塊兒也似情  
忒

麕腿小令作牛腰

李琬卿

此曲小令所無

一篇詞意思便隨斜千金價恩情莽判賒五花文官  
誥權教借高仙兒來到也人間天上離別滹沱河檀  
了府判柳花亭留下大姐李琬也

老當蓋壯

設福小令作小兒  
據小令補

風流受苦果何甘落托垂涎待拉饒等閑設福難搖  
撼那孩兒情怨愿敢休欺負詩骨崑玉鑰條玲瓏檐  
翠鋪對萬勝籃風月都擔

輾轉秋思京門賦

瑣窓風雨古今情  
夢遶雲山十二層  
香消燭暗人初

酒醒下脫人未醒三字

定酒醒三般兒，  
嗒不到天明。巉地羅幃靜，森地鴛被冷。忽地心疼。

涼夜清興

雲綃蒙影鏡誰呵，  
露粟吹香金碎掇。  
醉來起我成三個，  
是清風明月我問桂。  
花良夜如何飲不辭，  
玻璃盞大睡不厭琉璃簾。  
濶夢不到螻蟻南柯。

尋梅

冬前冬後幾村庄，  
溪北溪南兩屨霜。  
樹頭樹底孤山上，  
冷風來何處香。  
忽相逢縞袂綃裳酒醒寒，  
驚夢笛凄春斷腸。  
淡月昏黃。

暮春即事

風吹絲雨嚙窓紗，  
苔和酥泥葬落花。  
卷雨雲鉤月簾初掛，  
玉釵香徑滑燕藏。  
春街向誰家，  
鶯老羞尋伴，蜂寒懶報衙。  
啼殺飢鴉。

客中春晚

昔年歌舞醉嬌春，  
今日衣冠逐後塵。  
歸舟欲向南湖問，  
恐沙鷗也傲人。  
榆錢兒不救詩貧，  
眇小了花風信。闌珊了蝶夢魂，  
冷笑東君。

瑞安東安寺夏日清思

新蟬風斷子絃琴，  
古鴨烟消午篆沉。  
孤鶴夢覺三山

深字衍

枕翠濛、窓戶陰煮茶芽旋撮黃金俗事天來大深  
紅塵海樣深都不到一片雲心

## 樂清簫臺

枕蒼龍雲卧品清簫跨白鹿春酣醉碧桃換青猿夜  
拆燒丹竈三千年瓊樹老再飛來海上仙鶴巾紗巾  
岸天風細玉笙吹山月高誰識王喬

中字衍

## 樂清白鶴瀑布

紫箒聲入九華天翠壁花飛雙玉泉瑤臺鶴去人曾  
見煉白雲丹竈邊問山靈今夕何年龍鬚水硃砂膩  
虎睛丸金永圖海上尋仙

## 爲友人作

首二句小令作攪  
柔腸離恨病相  
兼重聚首佳期  
卦怎占

滿腔子苦恨病相兼一肚皮離情沉點、豫章城開  
了座相思店悶逐肆兒局日添愁行貨頓塌在眉尖  
稅錢比茶缸上欠斤兩去等秤上掂喫緊的曆册般  
拘鈴

## 贈朱翠英

吹笙慣醉碧桃花把酒曾聽萼綠華金毛秀靨春無  
價、將來烏帽上插五百年歡喜冤家正好星前月下

吹下脫雨打二字 恐怕風吹吃惜了零落天涯

## 怨風情



眼中花怎得接連枝眉上鎖新教配鑰匙描筆兒勾  
銷了傷春事悶葫蘆刻斷線兒錦鴛鴦別對了個雄  
雌野蜂兒難尋覓蠍虎兒乾害死蠶蛹兒畢罷了相  
思

贈顧觀音

盈、羅襪藕初簪楚、宮腰柳半金小名兒且是妖  
嬈甚洛迦山何處尋紫旃檀風月叢林說緣法三生  
夢拾慈悲一片心不枉了喚做個觀音

吳姬浮

罨罨分月小藤床茉莉堆雲懶髻粧薔薇洒水輕綃

【

—

上染一天風露香看星河笑語昏黃白雪雞頭肉紅  
冰荔子漿道今夜較涼

重觀瀑布

天機織罷月梭閑石壁高垂雪練寒冰絲帶雨懸霄  
漢幾十年曬未乾露華涼人怯衣單似白虹飲澗玉  
龍下山晴雪飛灘

雨窓即事

客懷寥落雨聲中春事商量花信風燭光搖蕩江南  
夢寸心灰雙淚紅和更籌涸損銅龍酒醒紗窓靜詩  
慳錦袋空催老仙翁

此題末四字小令  
作時雨稍晴

中秋後一日山亭賞桂花稍時晴雨  
海雲衣濕鵲鴿寒窓雨絲收絡緯閑邊風信動征鴻  
限稻梁秋有甚慳儘尊前楚水吳山坐金色三千界  
倚天香十二欄不是人間

詠雪

的字衍

冷無香柳絮撲將來凍成片梨花拂不開大灰泥漫  
了三千界銀稜了東大海探梅的心噤的難啞麪瓮  
袁安舍鹽堆兒裏党尉宅粉缸兒裏舞榭樓臺

袁上脫兒裏二  
字

贈孫梅歌

壽陽宮額試新粧萼綠仙音整舊腔怕尊前夢覺參

兒上粉留痕襟袖香揀埭兒可喜昏黃白雲紙帳清  
風玉堂淡月紗窓

小桃紅

贈郭蓮兒

錦幢羅蓋水晶宮一曲菱歌動太液雲香露華瑩醉  
芙蓉鴛鴦不識凌波夢秋房怨空藕絲情重粉瘦怯  
西風

花籃髻

小鬟新樣鬪奇絕學綰同心結翠織香穿逞嬌劣巧  
堆疊錦筐露濕瓊梳月盛春倦也和雲底退忙煞夢

## 中蝶

## 效聯珠格

落花飛絮隔朱簾、靜重門掩掩鏡羞看斂兒<sub>臉</sub>嚶、  
 眉尖、指屈將歸期念、它拋閃、咱少欠、你  
 病懨、

## 贈朱阿嬌

鬱金香染海棠絲雲膩宮鴉翅翠靨眉兒畫心字喜  
 孜、司空休作尋常事尊前但得身邊伏侍誰敢想  
 那些兒

## 閨思

日高猶自睡沉、夢遠鴛鴦枕不成閑愁廝拘禁戀  
 香衾東風落盡西園錦知它爲甚情懷徒恁懶却惜  
 花心

## 贈劉牙兒

瓠犀微露玉參差偏稱烏金漬斜抵春纖記前事試  
 尋思風流漫惹閑唇齒含宮嚼<sub>嚼</sub>徵咬文啖<sub>啖</sub>字誰敢嗑  
 牙兒

## 春閨怨

玉樓風颭杏花衫嬌怯春寒賺酒病十朝九朝<sub>敬</sub>歎瘦  
 岩、愁濃難補眉兒淡香消翠減雨昏烟暗芳草遍

江南

中秋懷約

桂花風雨較涼些愁字兒難藏  
 磨一片秋聲戰梧葉  
 苦離別幸然不見團員月多應  
 那人相思今夜明日  
 敢來也

楚儀來因戲贈之

碧梧月冷鳳凰枝空守風流志  
 楚雨湘雲揔心事許  
 多時口兒裏不到個胡倫字  
 殷勤謝伊雖無傳示來  
 探了兩遭兒

別楚儀

時字衍

一樽別酒斷腸時詞難說心間  
 事行李匆、怎酬志  
 自尋思從今別却文章士至如  
 小子十分不是好處  
 也這些兒

紹興于侯索賦

晝長無事簿書閑未午衙先散  
 一郡居民二十萬報  
 平安秋糧夏稅咄嗟兒辦枉花  
 紋象簡凭紫綾書案  
 日日看青山

孫氏壁間畫竹

月分雲影過鄰東半壁秋聲動  
 露粟枝柔怯悽鳳玉  
 玲瓏不堪歲暮關情重空谷昨  
 寒美人無夢翠袖倚

紫綾小令作琴  
 堂

西風

點  
黠鞋杖

研臺香蘸翠條尖  
圈落玄花點雲鳳  
吳綾粉生皴配  
霜鎌月牙脫出宮  
蓮嚶雖然草木不  
占憔悴陪伴玉  
纖：

曉粧

紺雲分翠攏香絲  
玉線界宮鴉翅露  
冷薔薇曉初試  
淡勻脂金篋膩點  
蘭烟紙含嬌意思  
殢人須是親手  
畫眉兒

桂花

【

—

一枝丹桂倚西風  
扇影天香動醉裏  
清虛廣寒夢月  
明中紫金粟鍊朱  
砂永綠衣襯榜黃  
麻供奉不似狀  
元紅

塊  
四碗玉

詠手

絃上看花間把握  
雨移雲那清嘉春  
風滿袖拈羅帕  
擎玉學微蘸甲風  
韻煞

又

嫩下脫間弄二字

温  
玉掌漫瓊枝嫩閑  
拈暗生春爲纖柔  
長惹風

翠顰整髻雲可喜  
損

流傳  
明氏珍  
藏圖書

許厚基  
秘笈印

殿前歡

里西瑛號懶雲窩自敘有  
作奉和

懷辛  
居士

博明  
鑑藏

按小令此題共有  
六首今脫寫題  
目補入曲牌下

懶雲窩石床苔翠暖相和不施霖雨爲良佐遯迹岩  
阿林泉夢引合風月詩分破富貴塵沾澆歌殘楚些  
閑損巫娥

又

伯夷小令作雲輒

懶雲窩雲邊日月儘如梭槐根夢覺興亡破依舊南  
柯休聽甯戚歌學會陳搏卧不管伯夷餓無何浩飲  
、、無何

又

懶雲窩靜看松影掛長蘿半間僧舍平分破塵慮消  
磨聽不厭隱士歌夢不喜高軒過聘不起東山卧疎  
慵在我奔競從他

又

按此曲後尚有二  
曲小令收錄之其  
詞並見太平樂府  
懶雲窩、、裏避風波無榮無辱無災禍儘我婆娑  
閑謳樂道歌打會清閑坐放浪形骸卧人多笑我、

笑人多

清江引

笑靨兒

盈、、嬾癡嬌艷滿偏稱燈前玩歌喉夜正欄酒力春  
將半喜入臉窩紅玉暖

據小令此是第二首

又

破花顏粉窩兒深更少助喜洽添容貌生成臉上嬌  
點出腮邊俏休着翠鈿遮罩了

此是第三首

又

鳳酥不將腮斗匀巧笑含嬌俊紅鑄玉有痕暖嵌華  
生暈旋窩兒裏粉香教是春

此是第一首

又

一團可人銜是嬌粧點如花貌擡疊起臉上愁出落  
腮邊俏千金這窩兒裏消費了

紅綉鞋

擡小令作打

竹涼衫

浹背全無暑汗曲肱時印新癢襯荷花落鬼壯懷寬  
挹風香雙袖細披野色一襟團滿身兒窺豹管

又

冰刃剪龍鬚爲寸玉絲穿龜背成文骨格清涼不沾  
塵汗香晴帶雨肩瘦冷披雲是一個玲瓏踢透人

滿庭芳

鐵馬兒

虛簷月明穿聯得失注月前程只聞聞外將軍令肅  
、宵征歌舞鬧難躋錦營雨雲閑偏戰愁城嘶不定

銅腸人厭聽風入四蹄輕

漁父詞二十曲

瀟湘畫中雪翻秋浪玉削晴峯蓴鱸高興西風動挂  
起風蓬夢不到青雲九重祿不求皇閣千鐘浮蛆瓮  
活魚自烹濁酒旋斛紅○湘江漢江山川第一景物  
無雙呼兒盞洗生珠蚌有酒盈缸爭人我心都納降  
和伊吾歌不成腔船初樁芙蓉對港和月倚蓬窓○  
吳頭楚尾江山入夢海鳥忘機閑來得覺胡倫睡枕  
看蓑衣釣臺下風雲慶會輪竿上日月交蝕知滋味  
桃花浪裏春水鰕魚肥○江湖隱居既學范蠡問甚

【

—

三閭終身休惹閑題目裝個葫蘆行雨罷龍歸遠浦  
送秋來鴈落平湖搖船去濁醪換取一串柳穿魚○  
山妻稚子薄批鱸膾細切蓴絲胡蘆盛酒江頭市琰  
用青甕笑呂望風雲古史愛玄真江海新詩心無事  
尋思那時悔殺進西施○疎狂逸客一樽酒盡百尺  
帆開劃然長嘯西風快海上潮來入萬頃玻瓈世界  
望三山翡翠樓臺輪竿外江湖水窄回首是蓬萊○  
潮平棹穩桃花泛暖柳絮吹春萼蒿香脆蘆牙嫩爛  
煮河鮑閑日月熬了些酒尊惡風波飛不上絲輪芳  
村近田原隱、疑是避秦人○扁舟棹短名休挂齒



是小令作最

身不屬官般頭酒醒妻兒喚笑語團樂錦畫圖芹香  
 水暖玉圍屏雪急風酸酸清江畔悶愁不管天地一壺  
 寬○沙堤纜船樵夫問訊溪友留連笑談便是編脩  
 院誰責誰賢不應舉江湖狀元不思凡簑笠神仙魚  
 成串垂楊岸邊還却酒家錢○扁舟是小綸巾蒲扇  
 酒瓮詩瓢樵青拍手漁童笑回首金焦箬笠底風雲  
 縹緲約竿頭活計蕭條般輕棹一江夜潮明月卧吹  
 簫○輪竿送老酒篋綠蟻蟹擘紅膏興來自把般兒  
 棹萬頃雲濤風月養吾生老饕江湖歌楚客離騷溪  
 童道蓑衣是草不換錦宮袍○漁家過活雪蓬雲棹

【

—

茅小令作明

雨笠烟蓑一聲欸乃無人和妻子呵、包古今不宜  
 時短褐泛江湖無定處行窩休扶拖輕將棹撥江上  
 月明多○活魚旋打沽些村酒問那人家江山萬里  
 天然畫落日烟霞垂袖舞風生鬢髮扣舷歌聲撼漁  
 槎初更罷波明淺沙明月浸蘆花○漁翁醉也任橫  
 棹楫不纜樁檝晚來隔浦燈明滅船閣沙斜蘆花夢  
 西風睡徹松茅烟夜火燒絕秋江月林梢半缺潮信  
 早來些○江天晚涼一灘蓼沙十里蓮塘酒缸盛酒  
 般頭上有幾個漁郎雲錦機織作成醉鄉綺羅叢排  
 辦出滄浪盃盤放鱸魚味長甜似太官羊○秋江暮

絲綸二字衍

景胭脂林障翡翠山屏幾年罷却青雲興直泛滄溟  
 卧御榻彎的腿疼坐羊皮慣得身輕風初定絲綸絲  
 輪慢整牽動一潭星○攜魚換酒魚鮮可口酒熱扶  
 頭盤中不是鯨鮑肉鯿鮓初熟太湖水光搖酒甌洞  
 庭山影落漁舟歸來後一竿釣鈎不挂古今愁○江  
 聲撼枕一川殘月滿目遙岑白雲流水無人禁勝似  
 山林釣晚霞寒波濯錦看秋潮夜海鎔金村醪甯何  
 人共飲鷗鷺是知心○輕鷗數點寒蒲獵獵秋水厭  
 々五湖烟景由人占有甚妨嫌是非海天驚地儉水  
 雲鄉浪靜風甜村醪釀歌聲冉々明月在山尖○蓬  
 窓半龕挂晴帆飽照夜燈殘饒一竿界破江雲淡蝦  
 蟬盈籃未放我盃中量減儘教他鬢影秋攙船休纜  
 中流半酣擊楫下湘潭

凭欄人

香杓

暖蛻龍團香骨塵細裊雲衣古篆文寶奩餘燼温小  
 池明月昏

又

一點雕盤螢度秋半縷宮奩雲莫愁情緣不到頭寸  
 心灰未休

小令以此曲別  
 書題作香篆

弄

又

心火蟠燒九曲腸，鼻觀薰修三昧<sub>味</sub>，香爍灰書幾場，猶存延寸光。

李致遠樂府

折桂令

春閨

柳陰深黃鳥錦蠻勤，惜韶華似罷紅慳，綉草花飛分香蝶，鬧感舊人閑。奇兵破愁城，酒盞離情，綵恨鎖眉山。沉水燒殘，綉被薰蘭，只是春寒。

山居

枕琴書睡足柴門，時有清風爲掃紅塵。林鳥呼名山猿逐，婦野獸窺人喚稚子。滌壺洗樽，致鄰僧貫酒論文。全我天真，休問白魚，且醉白雲。

讀史

慨西風壯志闌珊，莫泣途窮，便可身閑。賈誼南遷，馮唐老去，關羽西還。但願生還玉關，不將劍斬樓蘭。轉首蒼顏，好覓菟丘，休問天山。

秋景

秋聲先到梧桐掛，雨雌霓拂檻，雄風幾點青山。一泓素月滿地，丹楓腸縷，斷情欺醉容。漏聲遲霜滿，愁紅

長笛聲中，**卷**畫樓東，淚洒征鴻。

紅綉鞋

楊柳深，晚春小院夕陽淡，啼鴉巷陌東。風賣餠，天纔社日停針線，又寒食，戲秋千，一春幽恨遠。

情字衍

春閨情

紅日嫩，風料峭，柳綠窗深，烟暖香篝，怪來朝雨妬風流。二分春色去一半，杏花休歸，期何太久。

晚秋

夢斷陳王羅襪，情傷學士琵琶。又見西風換年華。

數下直接下行

數

光字衍

杯添淚，酒幾點，送秋光。花行人天一涯。

天淨沙

離愁

敲風修竹，珊、潤花小雨，班、有恨，心情懶、一聲長嘆，臨鸞不畫眉山。

春閨情

花下奪一字

畫樓**徒**倚欄，干粉雲吹，做脩鬟。璧月低懸，玉彎落花口，慢羅衣，特地春寒。

初夏即事

曉來煙斷香篝，春歸綠遍芳洲，影亂風梳，弱柳遲、

清晝竹深時喚鞦韆

水仙子

春暮

茶蘼香散一簾風，杜宇聲乾滿樹紅。  
南軒一枕梨雲夢，離魂千里同。  
日斜花影重，萱草發無情。秀榴花  
開有恨，穠斷送得愁濃。

春懷

水邊垂柳赤欄橋，洞裏神仙紫玉簫。  
東風吹斷閑花草，碧雲深春夢悄。  
久別來朱戶消條，半簾明月一溪  
絳桃萬里黃鸝。

消當作蕭

道情

甕頭春色是長生，枕上華胥當解醒。  
常將造物合心鏡，後庭閑留月明。  
得工夫休寫黃庭，怕蕭郎夫婦茅  
家弟兄邂逅瑤京。

清江引

即席贈妓

碧雲欲低香霧阻，迴首多情處。  
梨花二月初，柳絮三  
春暮。今宵明月何處宿。

又

樽前有人顏似玉，笑索多情句。  
哥殘林葉飛，舞罷庭

花如冰絃一霎秋夜雨

又

東風又來供暮愁吹上蛾眉皺應知弄玉心相道東  
陽瘦花落燕飛人病酒

喜春來

秋夜

斷雲含雨峰千朵釣艇披烟玉一簑藕花香氣小亭  
多涼意可開宴欸姮娥

又

月將花影移簾幙風怒松聲捲翠濤呼童滌器煮茶

【

—

苗鷺睡鶴長嘯仰天高

小桃紅

新柳

柔條不奈曉風梳亂織新絲綠瘦倚春寒灞陵路影  
扶疎梨花未肯飄香玉黃金半吐翠烟微妬相伴月  
兒孤

碧桃

穠華不喜污天真玉瘦東風困漢闕佳人足風韻唾  
成痕翠裙剪、瓊肌嫩高情厭春玉容含恨不賺武  
陵人

## 梧葉兒

佩解螭文玉衾閑鴛序錦釵折鳳頭金夜雨留荷淚  
西風吼樹音秋月弄桐陰梅花謝別來到今

又

斜陽外春雨足風吹皺一池寒玉畫樓中有人情正  
苦杜鵑聲莫啼歸去

曲當作子

## 朝天曲

秋夜吟

梵宮晚鐘落日蟬聲送半規涼月半簾風騷客情尤  
重何處樓臺笛聲悲動二毫班秋夜永楚峰幾重遮

【

—

不斷相思夢

撥不斷

夏宿山亭

立峰巒脫簪冠夕陽倒景松陰亂太液澄虛月影寬  
海風汗漫雲霞斷醉眠時小童休喚

迎仙客

暮春

吹落紅棟花風深院垂楊輕霧中小窓閑停綉工簾  
幙重、不鎖相思夢

賣花聲

節當作歸

雲消皎月節，簾影夢破驚烏遶，樹聲桃燈起，誦太玄  
經，竹軒風定，桂窗人靜，快詩人一襟清興。

王日華樂府錢唐南齋

節當作原

慶東園

風月所舉問汝陽記自黃肇  
退狀至議擬凡計一十六首

黃肇退狀

于飛燕並蒂蓮有心也，待成姻眷，喫不過雙生強嚼。

當不過馮魁鬪論甘不過蘇氏胡搨且交割麗春園

悲當作卑  
天當作田

免打入悲天院

天香引

按此即折桂令

問蘇卿

【

—

俏排場慣戰曾經自古怪，愛惜惺惺，燕友鶯朋花  
陰柳影海誓山盟，那一個堅心志誠，那一個薄倖雜  
情，則問蘇卿是愛馮魁，是愛雙生。

答

平生恨落風塵虛度年華，減盡精神，月枕雲窗錦衾  
綉褥，柳戶花門，一個將百十引江茶問肯，一個將數  
十聯詩句求親，心事紛紜待嫁了茶商，怕悞了詩人。

鳳引雛

此即殿前歡

再問

道下疑脫一字

小蘇卿言詞道不實誠，江茶詩句相兼併，那件着情。



休胡蘆提二四應相俵倖端的接誰紅定休教勘問  
便索招承

荅

滿懷冤被馮魁掩撲了麗春園江茶萬引誰情願聽  
妾明言多情小介元休埋怨俺違不過親娘面一時  
間不是悞走上茶舡

凌波仙

此即水仙子

駁

明<sub>々</sub>的退佃麗春園暗<sub>々</sub>的開除了雙解元慘可<sub>々</sub>  
說下神仙願却元來都是謊再誰聽甜句兒留連同

【

—

它行坐和它過遣怎做的悞走上茶舡

招

書生俊俏却無錢茶客村虔倒有緣孔方兄教得俺  
心窩變胡蘆提過遣如今是走上茶舡拜辭了呆黃  
肇上覆那雙解元休怪咱不赴臨川

天香引

問馮魁

馮魁嗒你自尋思這樣嬌姿恁了琴瑟不用紅娘則  
留紅定便繫紅絲量你呵有甚麼風流娘子怎消得  
多情俊俏俊嫖兒供吐實詞說了緣由辨個妍媸

嫖當作嫖兩

世姻緣劇云似這  
等滴溜的孩兒不  
覓錢言妓女也

凌波仙

荅

黃金鑄就劈閑刀茶引糊成剗怪鋏廬山鳳髓三千  
號陪酥油儘力攪雙通叔你自才學我揣與娘通行  
鈔他搭了咱轉世寶看誰能勾鳳友鸞交

據  
轉當作傳

天香引

問雙漸

小蘇卿窈變了心腸改抹了因緣倒換排場強折鴛  
鴦輕分鶯燕失配鸞鳳實丕、兜籠富商虛飄、蹬  
脫了才郎你試思量不害相思也受淒涼

凌波仙

荅

陽臺雲雨暫教晴金斗風波且慢行小蘇卿是接了  
馮魁定俏書生便噤聲沒來由閑戰閑爭非干是咱  
薄倖既然是他淺情我着甚干害心疼

天香引

問黃肇

麗春園黃肇姨夫人道你聽明我道你胡突蘇氏搯  
俵雙生擗滄你剗地粧孤怕不你身上知心可腹爭  
知他根前似水如魚休強支吾這樣恩情便好開除

## 凌波仙

荅

風流雙漸慣輪鋤瀾浪蘇卿能跳塔小機關背地裏  
 商量下把俺做皮燈籠看待咱從來道水性難拿從  
 它起過由它演撒終子是個路柳墻花

## 天香引

問蘇媽：

蘇婆：常子是熬煎臨逼得孩兒一謎地胡搨使會  
 虛脾着些甜唾引起頑涎用力的從教氣喘着昏的  
 一任頭旋只爲含賤將個嬋娟賣上茶缸

含賤當是貪錢

## 凌波仙

荅

有錢問甚紙糊鍬沒鈔由他古錠刀是誰俊俏誰村  
 拗俺老人家不性索馮員外將響鈔掂着雙生咩休  
 干鬧黃肇嗒且莫焦價高的俺便成交

議擬

雙生好去覓前程黃肇休來戀寡情馮魁統鏗剛婚  
 娉老虔婆婆指證的明小蘇卿既已招承風月所成文  
 案鶯花寨擬罪名麗春園依例施行

類聚名賢樂府羣玉卷之二

類聚名賢樂府羣玉卷之三

陳德和樂府

落梅風雪中十事

貧兒鬻桑

茶煙細酒力微都不索比評風味鬻桑兒悄聲私自  
提省可裏臆前呈瑞

謝女比絮

騷人謝女論吟雪飄時絮飛還恁七言句兒誇到今  
偏梨花比他爭甚

袁安高卧

身貧暴志趣高美袁安那時清操縱如今閉門僵睡  
着道是儘教他忍寒干傲

陶穀烹茶

龍團細蠟眼肥竹爐紅小窓清致試烹來是覺風韻  
美比羊羔較爭些滋味

浩然騎驢

窮東野忒好奇凍得來戰欽、地待吟詩滿前都是  
題偏則麼霸橋驢背

李愬擊鵝

翻銀漢戰玉龍遍乾坤似粉粧胡洞擊鵝群亂軍成

了大功全不道藍關路馬蹄難動

孫康映光

無燈燭雪正積想孫康向學勤力映清光展書讀較  
畢待天明困來恰睡

游揚侍立

立來倦睡未足覷門前雪深迷路師父覺來遲半步  
忍不得也索回去

泛剡王猷

乘雪夜訪故人剡溪水短篷難進凍歸來怕人胡議  
論強支吾道興來還盡

【

—

寒江釣叟

寒江暮獨釣歸玉蓑披滿身祥瑞他道縱如圖畫裏  
則不如銷金帳暖烘、地

徐甜齋樂府

紅錦袍

那老來子愛清閑主意別釣桐江、上雪泛桐江、  
上月君王想念者宣到鳳凰闕想着七里漁灘將看  
一鉤香餌望着富春山歸去也

又

那老子陷身在虎狼穴將夫差讎恨雪進西施謀計

拙若不早去些鳥喙意兒別駕着一葉扁舟披着一  
 簑烟雨望他五湖中歸去也

又

那老子見高皇斬了蛇助蕭何立大節薦韓侯勞汗  
 血漁樵做話說千古漢三傑想着雲外青山納了腰  
 間金印伴赤松子歸去也

又

那老子覷功名如夢蝶五斗米腰懶折百里侯心便  
 捨十年事可嗟九日酒須賒種着三迳黃花栽着五  
 株楊柳望東籬歸去也

〔

—

錢子雲樂府

清江引

夢回畫長簾半捲門掩茶蘼院蛛絲掛柳棉燕嘴粘  
 花片啼鶯一聲春去遠

又

高歌一壺新釀酒睡足蜂衙後雲深鶴夢寒石老松  
 花瘦不村如五株門外柳

又

春歸牡丹花下土唱徹鶯啼序戴勝雨餘桑謝豹烟  
 中樹人困畫長深院宇

又

恩情已隨紈扇歇攢到愁時節梧桐一葉秋砧杵千家月多的是幾聲兒簷外鐵

馬致遠樂府

撥不斷

梅花開笑歸來做伴的虎溪僧鶴林友龍山客似杜

補 據陽春白雪

工部陶淵明李太白有洞庭柑東陽酒西湖蠓道與

楚三閭休怪

周仲彬樂府

清江引

【

—

詠笑靨兒

一窩粉香堪愛惜近眼花將墜添它百媚生動我千金費春風小挑初破蘂

園當作原

慶東園

閑評論猛三思想海神廟錯斷了喬公事則合賺它每燒錢裂紙則合任它每焚香扣齒不合信它每插狀稱詞人都說桂英癡則我道王魁是

一半兒

有誤

多承蘇氏肯怜才終是雙生不在羞禁妳娘掩面色耍開懷一半兒殃及一半兒買○寫愁詞賦自傷悲

傳恨琵琶人共知  
司馬哭痛如商婦  
泣淚沾衣一半  
兒才乾一半兒濕

落梅風

眉間恨心上苦口難言  
把脚尖兒分付烏靴上半痕  
鞋下土忍輕將袖兒擲去  
○樓臺小風味佳動新  
愁雨初風乍知不知對春  
思念它倚欄干海棠花下  
○新秋夜微醉時月中倚欄  
獨自吟成幾聯腸斷  
詩說不盡滿懷心事  
○鸞皇配鸞燕約感肖娘肯  
怜才貌除琴劍又別無珍  
共寶則一片至誠心要也不  
要  
○風流士年少客花無名帽  
簷羞帶新來頗學畧

【

—

分外相思病等閑不害  
○乾坤內山共水論風流古  
杭爲最北高峰離不得三二里  
回頭看縷金鋪翠並

周仲彬

叨叨令

自嘆

築牆的曾入高宗夢釣魚的也應飛熊夢受貧的是  
個淒涼夢做官的是個榮華夢笑煞人也末哥夢中  
又說人間夢○去年今日題詩處佳人才子相逢處  
世間多少傷心處人面不知歸何處望不見也未哥  
、綠窓空對花深處



## 四景

春尋芳竹塢花溪邊醉夏乘舟柳岸蓮塘上醉秋登  
 高菊逕楓林下醉冬藏鉤暖閣紅爐前醉快活也未  
 哥：—四時風月皆宜醉○桃花開院宇中歡、喜  
 、醉芰荷香池沼邊朝、日、醉金菊濃籬落伴動  
 、沉、醉臘梅芳庾嶺前來、往、醉、來也未哥  
 、—醉兒醒、兒醉○嗚呀、塞<sub>雁</sub>空<sub>雁</sub>中叫普磬  
 、禁鼓樓頭報浙零、疎雨窓間哨吉丁當鐵馬簷  
 前闌睡不着也未哥：—縱然有夢還驚覺

## 悲秋

玳、璫、鐵馬兒乞留玳琅闌啾、啾、蜈蚣兒依  
 柔依然叫滴、點、細雨兒浙留浙零哨消、洒、  
 梧葉兒失流疎刺落睡不着也未哥：—孤、另、  
 單枕上迷彫模登靠

## 時新樂

千里獨行關大王私下三關楊六郎張飛忒煞強諸  
 葛軍師賽張良暗想這場張飛莽撞大鬧卧龍崗、  
 —○金粧寶劍藏龍口玉帶紅絨皇宣授男兒得志  
 秋旌旗影裏驟驛騶滿斟玉甌笙歌齊奏喧滿鳳凰  
 樓、—○人活百歲七十稀百歲光陰能幾日光陰

太和正音譜新  
 時令與此正同或  
 即一曲

這疑是近近鼓  
見武林舊事  
磁甌句有誤

積漸催穿了喫了是便宜唱着舞着終日沉醉不飲  
是呆癡：——○這鼓童：芭蓬下數個神翁年高大  
糍糕着手拿磁甌瓦帶渾滓鋪下板踏蘿蔔兩把鹽  
醬蘸梢瓜：——○霎時相見便留戀俊俏龐兒少曾  
見一朵白玉蓮端：正：在湖邊細看可憐香風拂  
面真乃是前緣

張子堅樂府

德勝令

宴罷恰初更擺列着玉娉婷錦衣搭白馬紗籠照道  
行齊聲唱的是阿納忽時行令酒且休斟俺待銀鞍

馬上聽

鄭德輝樂府

折桂令

此非折桂令

弊裘塵土壓征鞍鞭倦裊蘆花弓劍蕭：一竟入烟  
霞動羈懷西風禾黍秋水蒹葭千點萬點老樹寒鴉  
三行兩行寫高寒呀：鴈落平沙曲岸西邊近水渦  
魚網綸千釣艇斷橋東下傍溪沙疎籬茅舍人家見  
滿山滿谷紅葉黃花正是淒涼時候離人又在天涯  
○飄：泊：船纜定沙汀悄：冥：江樹碧熒：半  
明不減一點漁燈冷：清：瀟湘景晚風生浙留昔

零暮雨初晴皎、潔、照櫓蓬別留圖樂月明 消  
 、颯、和銀箏失留疎刺秋聲見希颯胡都茶客微  
 醒細尋、思、雙生、：你可閃下蘇卿

鐘醜齋樂府

醉太平

兒下脫一字  
 遠前街後街近大院深宅怕有那慈悲好善小裙釵  
 請乞兒頓飽齋與乞兒綉副合歡帶與乞兒換副新  
 鋪蓋將乞兒攜手上陽臺設貧咱波妳、

又

俺是悲卑田天院下司俺是劉九兒宗枝鄭元和俺當日

【

—

拜爲師傳留下蓮花落藁子拗竹杖遠遍鶯花市提  
 灰筆寫遍鴛鴦字打爻槌唱會鷓鴣詞窮不了俺風  
 流敬思

又

風流貧最好村沙富難交拾灰泥補砌了舊磚窰開  
 一個教乞兒市學裹一頂半新不舊烏紗帽穿一領  
 半長不短黃麻罩繫一條半聯不斷皂環條做一個  
 窮風月訓導

又

長街上告人破窰裏安身捱的是一年春盡一年春

盡一年春誰承望眷姻紅鸞來照孤辰運白身合有  
因緣分綉毬落處便成親因此上忍着疼撞門酸齋

清江引

採薇首陽空忍飢枉了爭閑氣試問屈原醒爭似淵  
明醉早尋個穩便處閑坐地○伯牙去尋鍾子期講  
論琴中意高山流水聲誰是知音的早尋個穩便處  
閑坐地○五湖去來越范蠡甘作烟波計功成心自  
閑名遂身先退早尋個穩便處閑坐地○楚狂接輿  
歌鳳兮見人忙回避固知勢利心豈識高賢意早尋  
個穩便處閑坐地○到頭那知誰是誰倏忽人間世

【

—

百年有限身三寸元陽氣早尋個穩便處閑坐地○  
秀才飽學一肚皮要占登科記假饒七步才未到三  
公位早尋個穩便處閑坐地○古今盡成閑是非翻  
覆興和廢休誇韓信功謾說陳平智早尋個穩便處  
閑坐地○鳳皇燕雀一處飛玉石俱同類分甚高共  
低辨甚真和僞早尋個穩便處閑坐地○道人淡然  
心似灰酒色俱無意絕交鸚鵡杯退佃鴛鴦被早尋  
個穩便處閑坐地○利名假饒爭到底爭得成何濟  
誰爲刎頸交那是安窠計早尋個穩便處閑坐地

情

夜長四壁人靜悄強把屏山靠路楚雲深有夢無着  
 落俏魂靈險些兒乾送了○夜長怎生得睡着萬感  
 縈懷抱伴人瘦影兒惟有孤燈照長吁氣一聲吹滅  
 了○昨先話兒說甚底今日都番悔直恁鐵心腸不  
 管人憔悴下場頭送了我都是你

## 水仙子

菊栽粟里晋淵明瓜種青門漢邵平愛月香水影林  
 和靖憶蓴鱸張季鷹占清高揔是虛名光祿酒扶頭  
 醉太官羊帶尾撐它也過平生○燈前撫劍聽鷄聲  
 月下吹簫引鳳鳴功名兩字元無命學神仙又不成

嘆吳儂何處歸耕日月閑中過風波夢里驚造物無  
 情

## 沉醉東風

板

聽不厭鸞笙象枝看不足鳳髻蟬鬟按不住刺史狂  
 學不得司空慣常不教粉吝紅慳若不把群花恣意  
 看飽不了平生餓眼

類聚名賢樂府羣玉卷之三  
 類聚名賢樂府羣玉卷之四

## 折桂令

貫酸齊樂府

## 送春

問東君何處天涯落日啼鶉流水桃花淡、遙山萼  
 、芳草隱、殘霞隨柳絮吹歸那荅趁遊絲惹在誰  
 家倦理琵琶人倚秋千月照窓紗

贈曹繡蓮

薰風吹醒橫塘一派波光掩映紅粧、態盈、香風  
 冉、翠蓋昂、一任遊人競賞儘教鷗鷺埋藏世態  
 炎涼只恐秋涼冷落空房並酸齋

題竹夫人

湘妃應是前身不記何年封號○秦萬古虛心百年  
 貞節一世良人剖蒼壁寒凝淚痕攙潛蛟巧結香紋

【

—

侍枕知恩入夢無春兩腋清風一枕行雲甜齋

過多景樓

滔、春水東流天濶雲閑樹渺禽幽山遠橫眉波平  
 消雪月缺沉鈎桃蕊紅粧渡口梨花白點江頭何處  
 離愁人別層樓我宿孤舟

詠蟠梅

梨雲旋遶東風誰屈冰梢恠壓蒼松緣萼含香枯根  
 層結春信重封清味遠嫌蝶妬蜂老枝寒舞鳳蟠龍  
 夜月朦朧踈蕊蹤橫瘦影交加碎玉玲瓏

二色鞋兒

輕搖環珮丁東半露新荷半掩芙蓉花柳些、霧縞  
 點、錦翠弓、綠綾扇輕沾落紅茜羅尖微印苔踪  
 心恨難通裙底鴛鴦出落雌雄並周仲彬 ○是梨園  
 一點文星西土儲英中夏揚名曾次天誠口角河傾  
 席上風生吞學海波瀾萬頃戰辭壇甲冑千兵律按  
 璣衡聲和鈴落樂奏英莖右鐘繼仙詠西域吉誠甫  
 ○毳袍寬兩袖風烟來自西州遊遍中原錦句詩餘  
 彩雲花下壁月樽前今樂府知音狀元古詞林飽記  
 神仙名不虛傳三峽飛泉萬籟號天右四明任則明

詠西域吉誠甫

【

—

江兒水

王仲元

嘆世九首

誰待理他閑是非緊把紅塵避庵前綠水圍門外青  
 山對尋一個穩便處閑地坐○竹冠草鞋麤布衣晦  
 迹韜光計灰殘風月心參得烟霞味尋一個穩便處  
 閑坐地○茅齋倚山門傍溪鎮日常關閉安閑養此  
 心去性從吾意尋一個穩便處閑坐地○功名玉關  
 十萬里委實勞心力爭如四皓仙不願三公位尋一  
 個穩便處閑坐地○功勞既成名遂矣便索抽身退  
 裴公綠野中陶令東籬內尋一個穩便處閑坐地○

繪

笑他卧龍因甚起不了終身計貪甚青史名棄却紅塵利尋一個穩便處閑坐地○扁舟五湖越范蠡有分烟波內絲輪遠是非簑笠多風味尋一個穩便處閑坐地○紅塵不來侵釣磯別却風雲會一釣了此生七里全身計尋一個穩便處閑坐地○五柳遶庄菊滿籬自謂羲皇世三逕可怡顏一榻堪容膝尋一個穩便處閑坐地

婦人臉上笑靨

一團兒可人銜是嬌粧點如花貌擡疊起臉上秋出落腮邊俏千金這窠裏消費了並王仲元

水仙子 周仲彬

賦婦人染紅指甲

鳳華香染水晶寒碎繫珊瑚玉笋間想別離拄齒應長嘆污檀脂數點斑記歸期刻損朱欄錦瑟弦重按楊家華未殘爲何人血淚偷彈周仲彬○柔荑春笋蘸丹砂膩骨凝脂貼絳紗多應泣血淹羅帕洒篔簹頰素甲抹燕脂誤染冰楂橫象筩跳紅玉理箏絃點落花輕掐碎殘霞○丹楓軟玉筍梢扶猩血春葱指上塗偷研點易朱砂露蘸水痕書絳符摘蟾宮謝桂  
 扶疎潮醉甲霞生暈碾秋礫瓊素舉夾竹桃

宮謝桂  
明氏珍  
蘇瀾書



許厚基  
秘笈印

懷辛  
居士

博明  
鑑藏

上小樓

吳克齋

錢塘感舊

虛名仕途微官苟祿愁裏南閩客裏東吳夢裏西湖  
到寓居問士夫都爲鬼錄消磨盡舊時人物

題小卿雙漸

蘇卿告覆金山題句行哭行啼行想行思行寫行讀  
自應舉赴帝都雙郎何處又隨將販茶人去

西湖宴飲

人凭畫欄舟橫錦岸一線蘇堤兩點高峯四面湖山  
玉箏彈絳袖彎紅牙輕按直喫的酒闌人散

## 春日閨怨

傷春病體殘  
春天氣縈損柔腸  
蹙損雙娥瘦  
損香肌  
喚小梅你快疾  
重門深閉怕鶯花  
笑人憔悴

## 西湖泛舟

驕驄錦鞵輕羅綵扇  
簾捲東風花綻香雲  
柳吐晴烟  
泛畫舫列綺筵  
笙簫一片人都在  
水晶宮殿

## 春殘離思

春光正濃鶯聲相送  
人去蘭堂塵瑣粧臺  
畫掩簾櫳  
錦帳中翠被空  
無人相共  
央及煞綠窓春夢

兒

## 佳人送別

寨兒令

鴛鴦共栖鸞鳳相配  
夜、同衾朝、同樂步、相隨  
猛可分鳳鞋剖鸞釵  
薄情自來年少客義斷  
思乖雨冷雲埋  
痴意尚怜才風不定  
花落閑堦雲不蔽  
月滿樓臺燕歸也  
人未歸鴈來也  
信慳來才不得休約到  
海棠開○揮玉指  
覷腰肢想前生欠它  
憔悴死錦帳琴瑟羅帕  
胭脂則落得害相思  
曾約在桃李開時到  
今日楊柳垂絲  
假題情絕句詩  
虛寫恨斷腸詞強都扯做紙條兒  
○鸞枕孤鳳衾  
餘愁心碎時  
窓外雨漏斷銅壺香冷  
金爐寶帳暗流蘇  
情不已心在天隅  
魂欲離夢不華胥  
西風征鴈遠  
湘水錦鱗無吁誰寄斷

嘔係一字韻句  
寨兒令本格也

看疑着

腸書○蟾影邊鳳臺前簫聲爲誰天外遠欵枕情牽  
 倚檻無言血淚洒寒烟自薄情別後經年想嫦娥不  
 念孤眠蒲萄架梧葉井楊柳院海棠軒天陡恁月兒  
 員○斟玉波對金荷新來自覺酒尚可帶解金羅眉  
 淡雙娥月枕共誰歌從別後必定情薄待歸來說甚  
 愁多枕邊憔悴我燈下可憎它酸腰柳瘦因何○鶯  
 燕友鳳鸞儔盡今生猛可里不到頭被底温柔枕上  
 風流一筆盡都勾明知道潑水難收爭忍說和味合  
 休沈腰偏看醜潘貌不藏羞愁人問瘦因由○桃短  
 藥倚雲屏傷心伴人清瘦影薄酒初醒好夢難成斜

條疑煞

月爲誰明悶懨、聽徹殘更意遲、盼條多情西風  
 穿戶冷簷馬隔簾鳴叮疑是珮環聲○踏草裊步苔  
 痕憶宮粧懶觀蝶翅粉桃臉香新柳黛愁顰誰道不

謝係榭

消魂海棠臺謝清晨梨花院落黃昏捲簾邀皓月把  
 酒問東君春偏惱少年人○清景幽水痕收瀟、幾  
 株霜後柳往日追遊此際還羞新恨上眉頭丹楓不  
 返金溝碧雲深鎖朱樓風涼梧翠減露冷菊香浮秋  
 粧點許多愁○徹骨杓滿懷學只因愛錢心辨不得  
 反共好楊柳妖嬈蘭蕙半標禁不過爛銀鍬舊人物  
 不采分毫新女壻直恁風騷攀不得龍虎榜品不得

半疑丰

鳳鸞簫 貓 不信不斂兒 哮以上並周仲彬

朝天子

題西湖

裏湖外湖無處是無春處真山真水真畫圖一片玲瓏玉宜酒宜詩宜晴宜雨銷金鍋錦綉窟老蘇逋楊柳堤梅花墓甜齊 ○褪咱豐咱擬不定真和假韓香剛待探手拿小膽兒還驚怕柳外風前花間月下斷腸人敢道麼演撒夢撒告一句知心話周仲彬

普天樂

王仲元

春日多雨

【

—

歸

放疑訪迷字衍

衝

旅下脫一字

無一日蕙風和常四野彤雲布那里肯粧金點翠子待要迸玉節珠這其間湖景陰恰便似江天暮冷清、孤山路六橋迷雪壓模糊瞥見遊春杜甫子疑是尋梅浩然莫不是相放林甫王仲元 ○柳迷眉新桃腮嫩酥凝瓊膩花艷芳溫歌聲消天下愁舞袖散人間悶舉止溫柔嬌風韻司空見也索消魂蘭姿蕙魄瑤花玉蕊悞染風塵 ○樹杈榭藤纏掛衝烟塞鴈接翅昏鴉展江鄉水墨圖列湖口瀟湘畫過蒲穿溪沿江汊問孤航夜泊誰家無聊倦客傷心逆旅滿天涯 ○滄藍橋燒祆廟鏡鸞腸斷瑟鳳魂消玉容殘倦艷

粧雲髻亂慵梳掠悶倚危欄閑凝眺對斜陽分外無  
 聊秦川路遠陽臺雨歇楚岫雲高○擁鴛衾歌珊枕  
 掃窓風竹搗月寒砧思量心別恨填歡喜夢離愁禁  
 主意拋遲虧人甚舊薄情郎何處留心君懷幸短盟  
 山路險誓海波深○淚盈波眉愁鎖消香減膩病鬼  
 愁魔爐烟飄怨氣浮襟袖濕啼痕污無限淒涼來着  
 扶瘦身軀怎生存活相思未脫他愁爲我、病因他  
 ○遠山攢烏雲亂分釵破鑑單枕孤鸞芳心被悶織  
 羅病軀交愁羈絆惹紅肚牽腸相穿貫上心來痛似  
 錐剗歸期限滿難憑後約孤負前歡○柳青嚴冤家

【

—

槩情傳眼角恨寄眉尖馳逗入煩惱鄉積攢下相思  
 欠交下情疎思情儉欲闌珊却又拘鈴常尋我喜稀  
 行你恠頻去娘嫌○戒多婪絕餘濫攜雲自勸握雨  
 獨慙鶯花寨我納降是非海誰着渰多少猩、遭坑  
 陷咱圖甚染綠挪藍尊前扮蠹花間槩坐席上粧憨  
 ○海棠枝薔薇刺約回舞燕抓住遊絲有贏鈔烟月  
 牌無倍鈔鶯花市買雨朵雲無簽次 遇仙枉廢神  
 思如無鈔使休憑浪子強做勤兒○痛傷嗟遭磨滅  
 調箏絃斷攏鬢簪折難攀如鏡裏花易見侶波中月  
 變盡歡娛成吳越眼爭、咫尺離別啼殘杜宇辭巢

燕子驚夢蝴蝶十首

小桃紅 周仲彬

當時羅帕寫宮商，曾寄風流。況今日樽前且休唱，斷人腸。有花有酒應難忘，香消夜涼。月明枕上不信不思量。○彩牋滴滿泪珠兒，心坎如刀刺。明月清風兩獨自，暗嗟咨愁懷。寫出龍蛇字，吳姬見時知。咱心事不信不相思。

詠碧桃

東風有恨致玄都，吹破枝頭玉。夜月梨花也相妬，不尋俗。嬌鸞彩鳳風流處。劉郎去也，武陵溪上，仙子淡

【

—

香下微下各脫一字

粧梳○群芳爭艷，開時公子王孫至，邀我名園賞春。思探花枝，任君各自簪紅紫。諸公肯許老夫頭上插。朶粉團兒○偏嫌桃杏，染胭脂。我愛丁香，恨殺薔薇。有刺怨垂絲，梨花帶雨傷春思。海棠過了，茶蘼開遍，都不似粉團兒。並周仲彬

丘士元樂府

滿庭芳

相思

愁山悶海，沉吟暗想，積漸難睚。冷清、無語人何在。瘦損形骸，愁怕到黃昏在側。最苦是兜上心來，咱無怕。

奈相思痛哉，獨自靜書齋。

折桂令

秋晚

楚天秋萬頃，煙霞孤鴈聲。悲悽怗傷，咱鐵馬叮嚀寒。  
蛩不住砧杵聲，雜銀臺上燒殘絳蠟。金爐內煙篆香，  
加感嘆嗟呀，痛憶嬌姿恨滿天涯。

相思

枉虛度歲月，光陰滿腹離愁。一片憂心，斜月穿窗寒。  
風透戶辰，永更深空，落得忘飡廢寢，怎能勾並枕同。  
衾院落沉，無限相思，付與瑤琴。

慶東原

秋暮感懷

山連地水映天，盼賓鴻過盡空嗟怨。朱簾半捲，西風  
檻邊明月，庭軒堪嘆。此時情獨倚欄干遍。

落梅風

江上聞笛

江天晚起暮雲恰綫，繞方夜涼人靜，風送玉簫三四聲。  
使離人凭欄愁聽。

秋夜夢迴

清秋夜，鴛夢回，闌寒蛩絮，人心碎。長吁幾聲人萬里。

病形骸越添憔悴

清江引

秋夜

夜闌夢迴人靜悄不住地寒蛩叫細雨洒芭蕉鐵馬  
簷前鬧長吁幾聲兒得到曉

普天樂

秋夜感懷

月空圓人何在寒蛩切、塞鴈哀、菊漸衰荷錢敗  
葉落西風雕欄外斷人腸如此安排秋雲萬里滿天  
離恨伴我愁懷

【

—

類聚名賢樂府羣玉卷之四  
類聚名賢樂府羣玉卷之五

張小山樂府

人月圖

山中書事

興亡千古繁華夢詩眼倦天涯孔林喬木吳宮蔓草  
楚廟寒鴉○數間茅舍藏書萬卷投老村家中何  
事松花釀酒春水煎茶

秋日湖上

笙歌蘇小樓前路楊柳尚青、畫船來往揔相宜處



濃淡陰晴○杖藜閑暇孤墳梅影半嶺松聲老猿留  
坐白雲洞口紅葉山亭

春晚次韻

盡據小山小令改

萋萋芳草春雲亂愁在夕陽中短亭別酒平湖畫舫  
垂柳驕驄○一聲啼鳥一番夜雨一陣東風桃花吹  
書佳人何在門掩殘紅

雪據小令

雲中遊虎丘

梅花渾似真、面留我倚欄干雪晴天氣松腰玉瘦  
泉眼冰寒○興亡遺恨一丘黃土千古青山老僧同  
醉殘碑休打寶劍羞看

會稽懷古

林深藏却雲門寺回首若耶溪苧蘿人去蓬萊山在  
老樹荒碑○神仙何處燒丹傍井試墨臨池荷花十  
里清風鑑水明月天衣

客垂虹

三高祠下天如鏡山色浸空濛蓴羹張翰漁舟范蠡  
茶竈龜蒙○故人何在前程那里心事誰同黃花庭  
院青燈夜雨白髮秋風

吳門懷古

山藏白虎雲藏寺池上老梅枝洞庭歸興香柑紅樹

鱸膾銀絲○白家池館吳王花草長似坡詩可人憐  
處啼烏夜月猶怨西施

春日湖上

東風西子湖邊路白髮強尋春儘教年少金鞭俊影  
羅帕香塵○蹇驢破帽荒池廢苑流水閑雲惱余歸  
思花前燕子墻里佳人

又

小樓還被青山碍隔斷楚天遙昨宵入夢那人如玉  
何處吹簫○門前朝暮無情秋月有信春潮看、憔悴  
飛花心事殘柳眉梢

【

—

小令無開吳二字

開吳松江遇雪

一冬不見梅花面天意可令人曉來如畫殘枝綴粉  
老樹生春○山僧高卧松爐細火茅屋衡門凍河隄  
上玉龍戰倒百萬愁鱗

小令無璩源二字

寄璩源芝田禪師

龍湫山上雲屯寺別是一乾坤僧參百丈雪深半尺  
梅瘦三分○幾時親到松邊弄水月下敲門相思無  
奈煙蘿洞口立盡黃昏

三衢道中有懷會稽

松風十里雲門路破帽醉騎驢小橋流水殘梅剩雪

清似西湖○而今杖屨青霞洞府白髮樵夫不如歸  
去香爐峰下吾愛吾廬

水仙子

西湖秋夜

今宵爭奈月明何地那堪秋意多舟移萬頃水田  
破白鷗還笑我拚餘生詩酒消磨雲子舟中醉雪兒  
湖上歌老子婆娑

子小令作母

吳山秋夜

山頭老樹起愁聲沙觜殘潮蕩月明倚欄不盡登臨  
興骨毛寒環珮輕桂香飄兩袖風生攜手乘鸞去吹

【

—

簫作鳳鳴回首江城

又

蠅頭老子五千言鶴背楊州十萬錢白雲兩袖吟魂  
健賦莊生秋水篇布袍寬風月無邊名不上瓊林殿  
夢不到金谷園海上神仙

秋思

天邊白鴈寫寒雲鏡里青鸞瘦玉人秋風昨夜愁成  
陣思君不覩緩歌獨自開樽燈挑盡酒半釀如此黃  
昏

見君二字宜直寫

又

眠據小令

海風吹夢破，衡茅山月勾吟樹。柳梢百年風月，供談笑。可令人易老，樂陶、塵世飄、醉白酒、眠牛背對黃花，持蟹螯，散誕逍遙。

鑑湖春行

清光湖面鏡新磨，樂意舡頭酒既多。舟移楊柳陰中過，流鶯還笑我。可憐春事蹉跎，玉板筍銀絲膾，紅衫兒金縷歌，不醉如何。

西湖廢圃

夕陽芳草廢歌臺，老樹寒鴉靜御街。神仙環珮今何在，荒基生暮靄。嘆英雄白骨蒼苔，花已飄零去，山曾

富貴來，俛仰傷懷。

何侍郎奉使日南

波澄太液泛龍舟，簾捲披香出鳳樓。綉衣直指新除授，宮花淹御酒。玉花驄錦帶吳鉤，白雪關山暮黃雲。海樹秋一象詩愁。

春晚

蠶黃舊紙試銀鈎，蟻綠新篔泛玉舟。龍香古餅熏金獸，薔薇小院幽。春光爲我遲留，東里尋芳去，西園秉燭遊。醉倚南樓。

又

據小令改

小令作圖

西山暮雨暗蒼烟南浦春風艤畫舡水流雲去人空  
戀傷心思去年可憐景物依然海棠鸚鵡岩花杜鵑  
楊柳秋千

又

相思詩句滿苔墻合唱歌聲靜錦堂合歡裙帶閑羅  
帳無言倚綉床怎生人不成雙花間翡翠釵頭鳳鳳  
梅子鴛鴦

元夜小集

停盃獻曲紫雲娘走筆成章白面郎移宮換羽青樓  
上招邀入醉鄉綵雲深燈月交光琉璃界笙歌闌水

【

—

晶宮羅綺香一曲霓裳

湖上即事

盈、嬌步小金蓮激、春波煖玉舡行、草字輕羅  
扇詩魂殢洒邊水光花貌嬋娟眉淡、初三月手摻  
、第四絃爲我留連

重過西湖

席間談笑欠嘉賓湖上風流想季真梅邊才思無何  
遜可憐辜負春孤山誰弔逋魂綵扇寫新句青樓非  
故人兩袖紅塵

寫小令作留

湖上

金鞭裊醉動花梢翠袖檀香贈柳條玉波流煖迎蘭棹  
 西湖春事好相逢酒聖詩豪醉墨洒龍香劑新絃  
 調鳳尾槽草色裙腰

春日郊行

藏鴉新柳縷金衣困蝶濃花織錦機乘鸞仙子飛瓊  
 佩尋春攜手歸吟詩馬上分題蒼烟喬木殘陽翠微  
 茅店疎籬

青衣洞天

兔毫浮雪煮茶香鶴羽攜風採藥忙獸壺敲玉悲歌  
 壯蓬萊雲水香鄉群仙容我踈狂即景詩千韻飛空

【

—

劍一雙月滿秋江

春思

山花紅雨鷓鴣啼院柳蒼雲燕子飛池萍綠水鴛鴦  
 睡春殘猶未歸掩粧臺懶畫娥眉綉床人困玉關夢  
 回錦字書遲

紅指甲

玉纖彈淚血痕封丹髓調酥鶴頂濃金爐撥火香雲  
 動風流千萬種捻胭脂嬌暈重、拂海棠梢頭露按  
 桃花扇底風托香腮數點殘紅

折桂令

## 村庵即事

據小令改

掩柴門笑傲烟霞隱；林巒小；仙家樓外白雲窓  
前尋竹井底硃砂五畝宅無人種瓜一村庵有客分  
茶春色無多開到薔薇落盡梨花

崔閑齊元帥席上

帥

綉簾開語燕呢喃柳眼青嬌杏臉紅酣春日遲；香  
風淡；相府潭；環粉黛犀梳玉簪引兒孫竹馬青  
衫坐客江南妙舞清歌瀾論高談

九日

據小令補

對青山強整烏紗歸雁橫秋倦客思家翠袖慙慙金

【

—

盃錯落玉手琵琶人老去西風白髮蝶愁來明日黃  
花回首天涯一抹斜陽數點寒鴉

梅友元帥席間

攏

據小令改補

拂冰絃慢捲輕枕一種天姿占斷芳叢額點宮黃眉  
橫晚翠臉暈春紅歌夜月琉璃酒鐘隔香風翡翠簾  
櫳帶殺吟翁柳暗花濃玉煖香融

讀史有感

劍空彈月下高歌說到知音自古無多白髮蕭疎青  
燈寂寞老子婆婆故紙上前賢玖珂醉鄉中壯士磨  
駝富貴由他謾想廉頗誰劬常何

又

滄浪可以濯纓嘆千里波、兩鬢星、遁跡林泉甘  
 心畎畝罷念功名青門外芸瓜邵平白雲邊垂釣嚴  
 陵潮落沙汀月轉林垌午醉方醒

## 秋夜閨思

剔殘燈數盡寒更自別了鶯、誰更卿、竹影疎櫺  
 蛩聲廢井桂子閑庭淹洎眼羞看畫屏瘦人兒不似  
 丹青盼殺多情遠信休憑好夢難成

## 贈妓者秀英

海棠嬌楊柳纖腰眼轉秋波臉暈春潮檀板輕敲冰

【

—

絃初奏綵扇低招傾城傾國越西子黎、棗、行雲  
 行雨楚巫娥暮、朝、橙剖并刀酒捧金蕉爛醉東  
 風受用良宵

按此曲多傾城傾國越西子行雲行雨楚巫娥二句實是創格折  
 桂今無此式也

## 疎翁學士自長沙歸

望仙華十二芙蓉夜醉長沙曉過吳松稅駕星壇題  
 詩玉井掛劍琳宮鶴唳黃雲半空鴈來紅葉西風秋  
 興誰同纔唱仙童相伴疎翁

## 湖上懷古次疎齊學士韻

柳駝腰繫我詩舫趁夜雪歸鴻暮苑啼鴉綠樹秋千  
 青山鐘鼓畫舫琵琶銅雀臺邊破瓦金魚池上殘花



誰見繁華採藥仙翁賣酒人家

秋思

菊花枝還爲誰黃數盡歸期過了重陽錦字傳情瓊  
簪留恨綉枕遺香夜月冷金釵鳳凰曉霜寒翠被鴛  
鴦想像高唐縈損柔腸夢見才郎

春情

織

托香腮微困春風綉線慵拈寶篆羞添往事墻頭情  
人夢里舊恨眉尖梨花謝春光荏苒曉鶯啼酒病淹  
漸燕語雕簷滿院陽花不捲珠簾

紅梅次疎齊學士韻

壽陽粧何似環兒快傳語花神換却南枝血點冰梢  
丹塗玉臉酒暈瓊姿拚花下何郎醉死誤庄前崔護  
題詩倚樹多時長笛聲中萬點胭脂

秋日海棠

沉香亭上幽歡甚陶令籬邊月慘風酸燕子來時梧  
桐老去錦樹花攢照銀燭春宵苦短惜疎林秋夜漫  
、樽俎團欒破帽西風華屋金盤

次韻秋懷

問山人索價何高歲晚江空興動書巢古桂寒香殘  
蘆老絮病葉紅綃愁倦客鳴、洞簫對西風戀、緜

袍往事徒勞兩鬢秋霜萬里雲濤

西湖懷古

飛來何處奇峰笑引吟翁醉倒詩筒古寺啼猿晴山  
舞鳳廢井藏龍人已去梅花舊塚客重來柳樹西風  
一笑相逢天竺門前合澗橋東

王一山席間題壁

據小令改

掃

歸詩愁滿壁龍蛇壯氣憑陵醉眼橫斜脫帽臨風停  
盃問月往事傷嗟范蠡歸湖是也子牙發跡遲些笑  
殺豪傑花謝還開酒盡重賒

又

【

—

醉慳、良夜迢、記席上樽前酒令詩條錦樹圍香  
花燈奪晝金屋藏嬌碧水冷西施弄瓢紫雲深秦女  
吹簫占得春饒鶯怕歌喉柳妬蠻腰

湖上即事疊韻

補 據小山小令

錦江頭一掬清愁回首盟鷗、柳汀洲俊友吳鈞晴  
秋楚岫退叟齊丘賦遠遊黃州竹樓泛中流翠袖蘭  
舟檀口歌謳玉手藏鬪詩酒觥籌邂逅綢繆醉後相

留

按此曲每句用二韻平側通協名曰短柱見陶宗儀輟耕錄即虞伯生所賦  
鶯與三顧茅廬是也此後文人多喜效之

桃花菊

怪

推黃花厭我清貧老圃秋容丹臉偷勻前度劉郎東

據小令

籬陶令邂逅寒濕延壽客秋風酒樽想佳人春日庄  
門問東君費盡了金錢占醉紅裙

## 殿前學士席上

岸小令作雁

岸風吹裂江雲迸一縷斜陽照我離樽倚遍西樓留  
連北海斷送東君傳酒令金盃玉筍傲詩壇羽扇綸  
巾驚起波神喚醒梅魂翠袖佳人白雪陽春

## 鑑湖小集

寫黃庭煥得白鷺舊酒猶香小玉能歌命友南山懷  
人北海遯世東坡昨日春今日秋清閑在我百年人  
千年調煩惱由他樂事無多良夜如何去了朱顏還

再來麼

## 石塘道中

雨依微天淡雲陰有客徜徉緩轡登臨老樹危亭平  
津短棹遠店疎砧傲塵世山無古今避風波鷗自浮  
沉霜後園林萬綠枝頭一點黃金

## 松江懷古

解征衣便可濯纓小、西湖揔是詩情天際浮圖雲  
間舊隱水上新亭負重名陸家弟兄輕舟何處高僧  
老鶴長鳴翠柳堤邊白苧風生

## 肅齋趙使君致仕歸

杏花村酒滿葫蘆記竹馬相迎郊外先驅清獻家風  
淵明歸興儘自歡娛榮故里名香二疎播廉聲恩在  
三衢教子讀書黃卷青燈玉帶金魚

三衢平山亭

倚欄干雲與山平一勺甘泉四面虛亭隱、浮圖層  
、罨畫小、蓬瀛隨月去長空鴈影喚秋來高樹蟬  
聲客路漂零天宇澄清劍<sup>氣</sup>崢嶸

海棠

看佳人富貴天姿點染胭脂消得新詩笑倚紅粧輕  
彈銀燭滿飲金卮伴庭院黃昏燕子嘆風流天寶環

【

—

兒老過花時誰恨無香我愛垂絲

又

喚西施伴我西邊客路依、烟水悠、翠樹啼鶉青  
天旅鴈白雪盟鷗人倚梨花病酒月明楊柳維舟試  
上層樓綠滿江南海放春愁

湖上即事

倚高寒渺、愁余昨夜南樓今日西湖柳影浮屠岩  
阿杜宇酒病柯如留客醉山花解舞寄離愁雲鴈能  
書笑倩誰扶風動瑤箏月滿冰壺

元夜燕集

綠窓紗銀燭梅花有美人兮不御鉛華粧鏡羞鸞嬌  
 眉斂翠巧髻盤鴉可喜娘春織過茶風流煞真字續  
 麻共飲流霞月轉西樓不記還家

遊龍源寺

問行人何處龍源古路縈蟠細水蜿蜒柳耳垂陰花  
 心困雨樹頂摩天借居士蒲團坐禪對幽人松塵談  
 玄詩債留連日巧黃鸝一曲新蟬

蓮華道中

洗黃塵照眼滄浪古道依、暮色蒼、遠寺松篁誰  
 家桃李舊日柴桑紅袖倚低、院牆白蓮開小、林

【

—

塘過客徜徉題罷新詩立盡斜陽

滿庭芳

山中雅興

人生可伶流光一瞬華表千年江山好處追遊遍古  
 意翛然琵琶恨青衫樂天洞蕭寒赤壁坡仙濁酒好  
 溪魚賤芙蓉岸邊醉上魚船

又

風波幾場急疎利鎖頓解名韉故園老樹應無恙夢  
 繞滄浪伴赤松歸歟子房賦寒梅瘦却何郎溪橋上  
 東風暗浮香動月昏黃

又

尋思幾船圍腰玉瘦約腕金寬怕春歸又是春將半  
 信杳青鸞賦離恨花箋短、散清愁柳絮漫、攔干  
 畔芳枝綠滿梅子替心酸 又  
 相思故人釵分恨股粉印嬌痕數歸期屈得春纖困  
 兩地銷魂樓外青山隱、前花紅雨紛、天涯近回  
 頭楚雲新月破黃昏

野梅

風姿澹然瓊酥點、翠羽翩、羅浮舊日春風面  
 邂逅神仙花自老青山路邊夢不致白玉堂前空嗟羨

【

—

傷心故園何日是歸年

望仙子詩卷

小令作題

滄浪小龍翩、桂旗隱、蓮峯歌塵隔斷蓬萊洞此  
 夜相逢羽衣曲蟾華月宮紫簫聲鶴背天風遊仙夢  
 青山萬重雲冷玉芙蓉

湖上酸齋索賦

尋春底忙金鞭弄影翠袖藏香綵箋詩滿西湖上悞  
 入平康到處鶯花醉鄉當家風月排楊貪遊蕩馬嘶  
 綠楊占斷紫雲娘

送別

分飛斷腸花箋寫恨粉腕留香臨行休倚危樓望揔  
是淒涼人去、寒煙樹蒼馬蕭、落日沙黃牙床上  
相思夜長翠被夢鴛鴦

又

愁春未醒芳心可、舊友卿、乍分飛早是相思病  
幾度傷情思往事銀瓶墜井賦離懷象管呵冰人孤  
另梅花月明熬盡短檠燈

湖上

逋仙舊塚西施淡粧抹坡老衰翁香雲一枕繁華夢流  
水光中暮靄鐘聲故宮夕陽塔影高峯桃源洞花開

【

—

亂紅無樹着春風

過釣臺

窮通異鄉故人別後短棹滄浪相尋下榻雲霄上舊  
日疎狂魂夢遠不知漢光脚頭睡只記劉郎山無恙  
歸耕富陽千古占桐江

金華道中

據小令改

西風瘦馬遙天去鴻落日昏鴉數前程掐得個歸藏  
卦夢到山家柳下綸竿釣艇水邊籬落梅花漁樵話  
從頭兒聽他白髮耐烏紗

又

營、苟、紛、擾、莫、休、厭紅塵拂斷歸山袖  
明月扁舟留幾冊梅詩占手蓋三間茅屋遮頭還能  
勾牧羊兒肯留相伴赤松遊

題情

朱門半掩花箋自檢綉線慵拈相思有債前生欠今  
日新添彈舊曲徒勞玉纖遣春愁不離眉尖黃昏漸  
青山一點新月掛冰蟾

客中九日

乾坤俯仰賢愚醉醒今古興亡劍花寒夜坐歸心壯  
又是他鄉九日明朝酒香一年好景橙黃龍山上西

【

—

風樹響吹老鬢邊霜

寨兒令

道士王中山操琴

傍翠陰解塵襟婆娑<sup>娑</sup>小亭深又深軫玉徽金霞珮瓊  
簪一操醉翁吟野猿啼遠水遙岑玄鶴鳴風過喬林  
休彈山水興難洗利名心尋何處有知音

鑑湖即事

枕綠莎盼庭柯門前鑑湖春始波白髮禪和墨本東  
坡相伴住山阿問太平風景如何嘆貞元朝士無多  
追陪新令尹邂逅老宮娥歌驟雨打新荷



## 山中分韻得聲字

犯帝星動山靈怪當年釣魚嚴子陵塵世逃名清水  
濯纓笑我問長生駕青牛自取丹經換白鵝誰寫黃  
庭烟籠燒藥火月伴看書燈聽林外起秋聲

## 次韻懷古

寫舊遊換新愁玉簫寒酒醒江上樓黃鶴磯頭白鷺  
汀洲烟水共悠悠、人何在七國春秋浪淘盡千古風  
流隋堤猶翠柳漢土自鴻溝休來往愧沙鷗

## 西湖秋夜

九里松二高峯破白雲一聲煙寺鍾花外嘶驄柳下

【

—

吟蓬笑語散西東舉頭夜色濛、賞心歸興匆、青  
山嚼好月丹桂吐香風中人在廣寒宮

## 湖上春晚

怕酒樽殢詩魂怕羅輕粉香揉淚痕細雨紛、綠水  
粼、湖上馬蹄塵世間有萬古青春花前換幾度遊  
人醉然劉伯倫瘦損沈休文紅杏村杜宇怨黃昏

## 鑑湖上尋梅

賀監宅放翁齋梅花老夫親自栽路近蓬萊地遠塵  
埃清事惱幽懷雪模糊小樹莓苔月朦朧近水樓臺  
竹籬邊沽酒去驢背上載詩來猜昨夜一枝開

## 春曉

點 點落英掩閉庭海棠軒半簾紅日影纖手瓊、嬌語  
鶯、睡起對銀箏柳花牋閑寫芳情荔枝漿微破春  
醒淺斟白玉杯低唱紫雲亭輕彈一曲賣花聲

## 憶鑑湖

鼓 畫樓鳴紫簫聲記年、賀家湖上景競渡人爭載酒  
船行羅綺越王城風、雨、清明鶯、燕、關情柳  
藥和淚眼花墜斷腸英望海亭何處越山青

## 舟行感興

愁鬢班怕春殘錦衣買臣何日還好夢邯鄲別汨陽

【

關幾度盼征鞍爲虛名消盡朱顏掩孤篷羞見青山  
磯頭煙樹煖鷗外野雲閑難能勾釣魚竿

## 春思

曲未終酒方濃雲收楚臺十二峯洗雨梳風怨玉啼  
紅別意恨匆、話相思鸚鵡金籠載離愁騷裏花驄  
長天秋水遠落日暮山重空簾捲畫堂中

又

喜又驚笑相迎倚湖山露華羅袖冷誰慣私行怕負  
深盟偷步錦香亭尋、覓、風聲漸、等、芳情粉  
牆邊花弄影朱簾下月籠明輕吹滅短檠燈

又

你見麼我愁他青門幾年不種瓜世味嚼蠟塵事團  
 沙聚散樹頭鴉自休管清煞陶家爲調羹俗了梅花  
 飲一盃金谷酒分七椀玉川茶啖不强如坐三日縣  
 官衙

## 題昭君出塞圖

辭鳳閣盼灤河別離此情將奈何羽蓋峩峩虎皮馱  
 、鴈遠暮雲闊建旌旗五百沙陀送琵琶三兩宮娥  
 翠車前白橐駝雕籠內錦鸚哥他强似馬嵬坡

## 小隱

種藥田小壺天伴陳搏野雲深處眠學會神仙老向  
 林泉今日是歸年蘆花絮煖勝絨氊木香亭大似漁  
 舡曲欄邊鶯睨睨小池上鶯嬋娟先收拾下買山錢

## 湖上避暑

新雨晴晚涼生照芙蓉玉壺秋水冷殢酒餘醒醒題扇  
 才情避暑小紅亭鴈雲低銀甲彈箏蔗漿寒素手調  
 冰鴛鴦情未減胡蝶夢初醒驚何處棹歌聲

## 三月三日書所見

艤畫船駐絲鞭問人家麗人簇管絃柳媚芳妍花比  
誰嬋娟風韻出天然牡丹亭畔秋千葢珠宮里神仙三

月三日曲水邊一步一朵小金蓮穿芳逕墜花鈿

春思

想故人暗銷魂欄干舊時無限春笑語云：圖畫真  
、一朵楚臺雲恁桃恨翠袖羅裙伴梅花檀板金樽  
瘦驚腰四指愁墮淚雙痕嗔風雨送黃昏

紅葉

遠樹重曉霜濃染千林夜來何處風笑我衰翁酒借  
春容暮景嘆匆、錦模糊費盡天工字慙勤流出皇  
宮蕭、秋雨後片、夕陽中空留得綉芙蓉

送別

【

—

直接勿提行

鸞鏡單鳳簫閑褰衣問君何日還白玉蓮環班竹欄  
千回首淚偷彈翠模糊十二巫山玉娉婷一曲陽關  
芙蓉城殘月

落楊柳岸曉風寒起愁上寶雕鞍

殿前歡

秋日湖上

倚吟蓬障西風十里錦芙蓉照滄浪似入桃源洞欠  
個漁翁冰泉瀉翠簫玉液浮銀甕羅袖染金鳳團香  
弄粉泛綠依紅

次酸齋韻

釣魚臺十年不上野鷗猜  
白雲來往青山在對酒開  
懷欠伊周濟世才犯劉阮  
貪盃戒還李杜吟詩債酸  
齋笑我、笑酸齋

又

喚歸來西湖山上野猿哀  
二十年多少風流恠花落  
花開望雲霄拜將臺袖星斗  
安邦策破煙月迷魂寨  
酸齋笑我、笑酸齋

離思

夜啼烏柳枝和月翠扶疎  
綉鞋香染莓苔露搔首踟  
躕燈殘瘦影孤花落流年度  
春去佳期誤離鸞有恨

【

—

過鴈無書

又

月籠沙十年心事付琵琶相思懶看幃屏畫人在天涯  
春殘荳蔻花情寄鴛鴦怕香冷茶蘼架舊遊臺榭曉  
夢窻紗

西湖晚晴

揔宜船綠情紅意雨餘天盈、皓月明如練棹舉冰  
田神仙太乙蓮圖畫崔徽面才思班姬扇新詩象管  
古調冰絃

客中

望長安前程渺、鬢班、南來北往隨征鴈行路艱  
 難青泥小劍關紅葉湓江岸白草連雲棧功名半紙  
 風雪千山

又

錦纏頭粉箏低按舞涼州佳人一去香殘後香冷雲  
 兜晴山翠黛愁綠水羅裙皺細柳宮腰瘦梨花暮雨  
 燕子空樓

普天樂

西湖即事

蕊珠宮蓬萊洞青松影里紅藕香中千機雲錦重一  
 片銀河凍縹緲佳人雙飛鳳紫簫寒月滿長空欄干  
 晚風菱歌上下漁火西東

贈別

鳳釵分鴛衾另輕、別離小、前程花開渭水秋酒  
 盡陽關令不管佳人愁成病載琴書畫舸無情今宵  
 月明聲沉玉笙影淡銀燈

次韻歸去來

草堂空柴門閉放閑柳枝伴老山妻誰傳紅錦詞自  
 說白雲偈照下淵明休官例和一篇歸去來兮瓜田  
 後村梅泉下竺菊圃東籬

## 胡容齋使君席間

白頭新黃花瘦長天北斗明月南樓吹殘碧玉簫淚  
滿青衫袖喚起姮娥爲君壽舞西風桂子涼秋百年  
故侯千鍾美酒一片閑愁

## 秋懷

會真詩相思債花牋象管鈿合金釵鴈啼明月中人  
在青山外獨上危樓愁無奈起西風一片離懷白衣  
未來東籬好在黃菊先開

## 湖上廢圃

古苔蒼題痕舊疎花照水老葉沉溝蜂黃點綉屏蝶

【

—

粉沾羅袖困倚東風垂楊瘦翠眉攢似帶春愁尋村  
問酒無人倚樓有樹維舟

## 晚歸湖上

翠藤枝生綃扇初三月上第四橋邊東坡舊賞心西  
子新粧面萬頃波光澄如練不塵埃便是神仙誰家  
畫船冷、玉箏渺、哀絃

## 鶴林觀夜坐

鶴歸來雲飛去仙山玉芝秋水芙蓉瑤臺掛月奩寶  
瑟移冰柱一架寒香娑羅樹小欄千花影扶疎涼生  
院宇人閑洞府客至蓬壺

## 上小樓

## 題釣臺

亭臺土花江山圖畫遁跡烟霞罷念榮華間別官家  
泥布襪上御榻龍身偃亞不輕了故人足下

## 清江引

## 秋思

自從玉關人去也寂寞銀屏夜風香白藕花露冷青  
桐葉鴈兒未來書再寫

## 幽居

紅塵是非不到我茅屋秋風破山村小過活老硯閑

【

—

工課疎籬外玉梅三四朶

## 桐柏山中

小令題作宿山洞

松風小樓香縹緲一曲尋仙操秋風玉兔寒野樹金  
猿嘯白雲半天山月小

## 湖山避暑

好山盡將圖畫寫詩會白雲社桃笙捲浪花茶乳翻  
冰葉荷香月明人散也

## 小桃紅

## 寄鑑湖諸友

一城秋雨荳花涼閑倚平山望不似年時鑑湖上錦



雲香採蓮人語荷花蕩西風鴈行清溪漁唱吹恨入  
滄浪

贈琵琶妓王氏

舞腰回雪臉舒霞席上人如畫壓柳欺梅舊聲價弄  
琵琶風流不似明妃嫁金樽翠罽玉織羅帕同醉鳳  
城花

憶疎齋學士郊行

飛梅和雪洒林梢花落春顛倒驢背敲詩暮寒峭路  
迢々相逢不滿疎翁笑寒效瘦鳥塵衣風帽詩在灞  
陵橋

春思

倚欄花影背東風暗解清宵夢舞扇歌衫與誰共恨  
忡々一春愁壓眉山重燈花玉蟲羅屏金鳳殘月小  
簾櫳

鑑湖夜泊

鑑湖一曲水雲寬鴛錦秋成段醉舞花間影零亂夜  
漫々小舟只向西林喚仙山夢短長天月滿玉女駕  
青鸞

離情

幾場秋雨老黃花不管離人怕一曲哀絃泪雙下放

琵琶挑燈羞看圍屏畫聲悲玉馬愁新羅帕恨不到  
天涯

山中

一方明月杏花壇劍氣霞光爛回首蓬萊自長嘆佩  
秋蘭黃精已勾山中飯勞心又懶千名不慣歸伴野  
雲閑

夜宴

呀金羅扇當花箋醉草湘妃怨曲：欄干錦屏面小  
壺天花：按舞六么遍寒玉響泉香風深院明月十  
三絃

又

翩：白鷺伴詩癯舡繫青山暮一曲瑤箏寫幽素夜  
何如飛吟亭上神仙路瓊樓玉宇白雲紅樹月冷洞  
庭湖

朝天子

山中雜書

罷手去休已落在淵明後百年心事付沙鷗更誰是  
忘機友洞口漁舟橋邊村酒這清閑何處有樹頭錦  
鳩花外啼春晝

又

夜長未央盼殺鷄三唱東華聽漏滿靴霜却笑淵明  
 強月郎禪床風清鶴帳夢不到名利場草堂暗香春  
 已到梅梢上

又

醉餘草書李愿盤谷序青山一片范寬圖怪我來何  
 暮鶴骨清癯蝸殼蘧廬得閑心自足蹇驢和酒壺風  
 雪梅花路

和字衍

野景亭

瓜田邵平草堂杜陵五柳庄彭澤令牽牛籬落掩柴  
 荆犬吠林塘靜樹頂蟾明水面風生聽漁歌三四聲

【

—

小亭野景老我蓴鱸興

酸齋席上聽胡琴

玉鞭翠鈿記馬上昭君面一梭銀線解冰泉碎折驪  
 珠串鴈舞秋烟鶯啼春院傷心塞草邊醉仙綵箋寫  
 萬關山怨

萬下脫一里字

春思

見他問咱怎忘了當初話東風殘夢小窻紗月冷秋  
 千架自把琵琶燈前彈罷春深不到家五花駿馬何  
 處垂楊下

梅友元帥席上

老夫病餘尚草長門賦阿蓮嬌吻貫驪珠試聽鶯啼  
序玉露冰壺香風瓊樹醉歸來不用扶小奴按舞看  
了梅花去

紅綉鞋

次韻

劍擊秋風鬼嘯琴彈夜月猿號半醉淵明可人招南  
來山隱、東去浪淘、浙江歸路杳

春日湖上

陰下脫一誰字

百五日清明節假兩三攢綠暗人家客子飄零尚天  
涯春風輕柳絮夜雨瘦梨花綠楊陰繫馬

又

綠樹當門酒肆紅粧映水鬟兒眼底慙勤座間詩塵  
埃三五字楊柳萬千絲記年時曾到此

春夜

燕子來時酒病牡丹開處詩情庭院黃昏雨初晴鏡  
心閑掛月箏手碎彈冰花前春夜永

湖上

無是無非心事不寒不煖花時粧點西湖似西施控  
青絲玉面馬歌金縷粉團兒信人生行樂耳

聖水寺山亭

佛國清涼境界湖壺天金碧樓臺照眼西山畫屏開  
海雲推月上江水帶潮來醉嫌天地窄

越山即事

山擁玉皇香案烟籠翠袖仙鬟兩袖天風倚高寒鶴  
歸蒼樹杪犬吠白雲間蓬萊迷望眼

天台瀑布寺

此曲及下支皆  
小令及太平樂  
府陽春白雪  
諸書所無

絕頂峰攢雪劍懸崖水掛冰簾倚樹哀猿弄雲尖血  
華啼杜宇陰洞吼飛濂北人心山未險

次歸去來韻

東舍西隣酒債春花秋月詩才兩字功名困塵埃青

【

山依舊好黃菊近新栽沒商量歸去來

洞庭道中

白鷺荒堤老葑黃雲遠水長空百尺蒲帆飽西風酒  
旗花影里釣艇樹陰中好山千萬重

又

逐名利長安日下望鄉關倦客天涯孤鴈南來倍思  
家亂山雲掩翠老樹雪花凍吟詩騎瘦馬

天台桐柏山中

談世事漁樵閑問洗征塵麋鹿相親步入蓬萊悞尋  
真竹聲搖翠雨山影護蒼雲 神仙深處隱

## 雪芳亭

金錯落樽前酒令玉娉婷樂府新聲夜深花睡嫩寒  
生一圍雲錦樹四面雪芳亭月斜時人未醒

## 春寒

圓舊夢衾閑錦綉按新聲絃斷筇篻滿襟離思倦登  
樓花寒鸚鵡病春去杜鵑愁倚欄人困酒

## 歲暮

金蓮步蒼苔小徑玉鈎垂翠竹閑亭物換星移暗傷  
情遊魚翻凍影啼鳥犯春聲落梅香暮景

又

【

—

競酒爭花公事吟風弄月神思好春能有幾何時玲  
瓏心似錦即漸鬢成絲落一張閑故紙

## 山中

黃葉青烟丹竈曲欄明月詩巢綠波亭下小紅橋老  
梅盤鶴膝新柳舞蠻腰嫩茶舒鳳爪

## 鑑湖

落葉山容消瘦題詩人物風流一片閑雲駐行舟月  
寒清鏡曉花淡碧壺秋謫仙同載酒

## 三衢山中

白酒黃柑山郡短衣瘦馬詩人袖手觀碁度青春仙

飄奪去

橋藏老樹石笋癭蒼雲松花瑞粉

水仙子

春日即事

魚鱗玉尺戲晴波燕觜芹泥補舊窩  
兔毫香墨閑工課飲瓊漿捲玉螺  
柳絲長忙煞鶯梭雲娥低和嬌羞  
謾歌不醉如何

滿庭芳

春夜

梨花月明秋千露冷楊柳烟澄  
海棠病酒風吹醒不用銀燈  
欄干外閑花有影柳梢頭宿鳥無聲  
羅幃靜

【

—

香銷玉鼎禁鼓報初更

紅綉鞋

秋日湖上

疑脫一畫字

紅葉荒林酒興黃花老圃詩情  
柳塘新鴈兩三聲湖光扶不定  
山色難成六橋風露冷

栖雲吊貫酸齋

蘆花被西風香夢玉樓才夜月雲空  
栖雲山上小崆峒蟠桃仙路種詩句  
古苔封教清名天地中

天淨紗

過長春宮

壺中霞養丹砂窓前雲覆桃花塵外誰分歲華客來  
閑話呼童掃葉烹茶

金字經

春日湖上

山色塗青黛波光漾畫舸小、仙鬟金縷歌他寶釵  
輕翠娥花陰過煖香吹綺羅

迎仙客

戲題

雙解元惡姻嫁豫章城月明秋滿天販茶舡買命錢  
占得春先到稱了馮魁願

【

—

一半兒

手帕

藕絲纖膩織春愁粉線輕盈惹暮秋銀葉拭殘香臉  
羞玉溫柔一半兒啼痕一半兒酒

開書

淚痕香沁污鮫鮪墨迹淋漓損兔毫心事渺茫雲路  
遙念奴嬌一半行書一半兒草

高敬臣樂府

鴈兒落過德勝令

新愁因甚多淺黛教誰畫倦將珊枕欵欵要朱扉亞



過月明閑照綠窓紗酒冷重溫白玉翠五花驄繫何處垂楊下少年心虧負殺、、不恨你個冤家高燒銀蠟寬鋪綉塌今夜來麼

又

尋致爭不致爭既言定先言定論至城俺誠至城你薄誠倖誰薄倖過豈不聞舉頭三尺有神明忘義多應當罪名海神廟見有他爲證似王魁負桂英礮可、海誓山盟縷帶難逃命裙刀上更自刑活取了個年少書生

慶元貞

燕、別無甚孝順哥、行在意殷勤三納子藤箱兒問肯便待要錦帳羅幃就親說得我驚急列驀出卧房門它措支刺扯住我皂腰裙我軟兀刺好話兒倒温存一來怕夫人情性喂二來怕悞妾百年身○又不曾看生見長便這般割肚牽腸喚妳、醪子裏賜賞撮醋、孩兒弄璋斷送得它瀟、鞍馬出咸陽只因它重、恩愛在昭陽引惹得紛、戈戟鬧漁陽哎三郎睡海棠都則爲一曲舞霓裳

類聚名賢樂府羣玉卷之五

霜煙  
手校

餘園  
藏書

雲川許  
氏懷辛  
齋圖籍

此爲四明天一閣舊物范氏書散遂歸許君博明以  
余粗識聲律屬爲校核余按元人選輯詞曲諸書  
就今人所見者以楊澹齋太平樂府陽春白雪爲  
最富此外惟羣珠羣玉二集爲最精羣珠不可

求

李玄玉北詞廣正譜曾  
選羣珠小令一二首

則此書爲瓊寶矣余取舊藏

澹齋二選及張小山小令喬孟符小令太和正音譜詞  
林摘豔諸書互相比勘頗多是正蓋此書雖是明鈔  
而奪訛處亦復不少因一、錄諸上方各標所自出通計

一百八十餘條而後此書可讀矣集中小山孟符兩家所  
錄特多足徵巨眼而馬致遠懂選一首鄭德輝止選  
二首未知何故又貫酸齋樂府內有徐甜齋周仲  
彬鍾繼先任則明諸作未免糅雜無次且徐周鍾任  
四家之詞集中亦復入選何以羸入酸齋下也又三棒  
鼓聲頻一曲爲正音譜所未載細按文義雖分三疊而  
通協車斜韻塙爲一支疑曹明叢之自度腔矣又王  
日華樂府十六首皆賦雙漸蘇卿事蓋亦一時風

尚如王實甫有蘇小卿月夜貶茶船庾天錫有蘇小  
卿麗春園而此集第四卷吳克齋上小樓曲亦有題  
小卿雙漸者可知雙蕪事元人皆豔迷之惟此曲設  
爲問會與諸家不同而已其慶東原曲下細註有  
風月所舉問汝陽記當是劇名日華即據以作  
詞者惜亡佚矣余竭五日力校此他日尚須借鈔

一帙作案頭諷籀焉壬戌季夏長洲吳梅跋

霜崖  
居士

瞿安  
手痕

放在 25a 上

案寒雲之說似乎有理實則  
不然蓋水仙子以下十二首中亦有二  
首爲中麓所有如爲他人作中麓  
何能廁入小山樂府中中麓所輯  
確乎未全此無疑義寒雲之說  
出乎憶度不足據也 心井

上海漢口路河南路西三九八號蟬隱廬

放在 25b 上

小山樂府止於紅綉鞋水仙子以下另是一家蓋當  
鈔時誤落其名遂與小山樂府混合中麓輯小山小令  
時所見當是元本無有脫誤故自水仙子以下俱  
未收錄非非足本可知也讀者須詳審焉

丁巳春寒雲讀過妄記

放在 38b 上

企林譜叔大人尊